

南洋官報

戊申六月初十日
旬報第一百十八册

南洋官報

旬光 報 第 一 百 十 八 冊
緒 三 十 四 年 六 月 初 十 日

NAN-YAN KWAUG PAO.

ISSUED THREE TIMES PER MONTH.
Nan King

△論旨

△督院轅抄摘要

△論撰 讀商君舉令篇書後

△內政 農工商部奏擬勸業道職掌章程摺
◎江督蘇撫會奏

蘇省開辦自治諮議調查各局摺片
◎督憲端咨蘇撫憲文

督憲端札甯蘇藩學臬司及各道文
◎又通札吸煙人員自行

呈請開缺開差文
◎贛臬司詳設模範監獄文
◎各省要聞彙誌

誌
◎附各國政治紀聞

△學務 學部奏各省方言學堂添招學生及辦法片
◎學部通

行詳查大學堂師範畢業生効力義務情形文
◎蘇藩司詳文

業稟
◎甯學司詳文
◎瓜哇泗水中華學堂派員護送學生歸國肄

△軍政 陸軍部奏遵設統計處辦法摺片
◎督練公所總參議

等詳請添設機關隊文
◎補錄楓涇鎮紳士呈請暫免撤防

△財政 度支部議覆江甯學務用款摺
◎江督端奏撥補鹽貨

釐金無着請飭改撥摺
◎各省要聞彙誌

△路礦郵電 郵傳部奏擴充電政擬歸官辦以恤商艱摺
◎郵

傳部札電政局新定限制二等公報章程文
◎各省要聞彙誌

◎各國要聞彙誌

△雜誌 譯俄政府第二次保和會通文

△坵津浦鐵路購地章程

官報

第 三 十 四 號

YAN KWAU PAO

PRINTED AND PUBLISHED FOR THE PROPRIETOR

1881

本報館設在星洲大馬路門牌第...
 凡欲登廣告者請向本館接洽...
 本館代印各種中西文字...
 本館代辦各項商務...
 本館代辦各項法律...
 本館代辦各項會計...
 本館代辦各項翻譯...
 本館代辦各項印刷...
 本館代辦各項信託...
 本館代辦各項保險...
 本館代辦各項倉庫...
 本館代辦各項船務...
 本館代辦各項鐵路...
 本館代辦各項郵政...
 本館代辦各項銀行...
 本館代辦各項保險...
 本館代辦各項倉庫...
 本館代辦各項船務...
 本館代辦各項鐵路...
 本館代辦各項郵政...
 本館代辦各項銀行...

五月二十七日奉

上諭吏部右侍郎著于式枚調補未到任以前著瑞良署理郭曾忻著補授禮部右侍郎欽此

二十八日奉

上諭禮部左侍郎著景厚轉補欽此

二十九日奉

上諭郵傳部左丞著那晉轉補李經楚著補授郵傳部右丞郵傳部左參議著李穆勳轉補胡祖蔭著補授郵傳部右參議欽此

六月初一日奉

上諭前因京師雨澤稀少迭經派禮親王世鐸虔詣 大高殿醇親王載灃虔詣

覺生寺恭代拈香派貝勒載潤等分詣 時應宮等處拈香並經開壇祈禱仰荷

昊蒼默佑渥沛甘霖朕心實深寅感允宜敬謹報謝用答天庥本月初四日仍派禮親王世鐸敬謹前往 大高殿恭代拈香 覺生寺仍派醇親王載灃恭代拈香

南洋官幸
時應宮仍派貝勒載潤 昭顯廟仍派貝勒載洵 宣仁廟仍派鎮國公溥佑

凝和廟仍派鎮國將軍載搜同於是日分詣拈香派鎮國公毓敏詣黑龍潭派鎮國公毓璋詣白龍潭拈香行禮報謝 大高殿 覺生寺卽行撤壇仍冀頻邀鴻貺

甘樹應時以慰農望欽此

初三日奉

上諭前據湖南巡撫岑春煇奏進前國子監祭酒王先謙所著書籍四種當交南書房閱看茲據奏稱該員所著尙書孔傳參正漢書補注荀子集註日本源流攷各書洵屬子書家法精博淵通淹貫古今周知中外等語王先謙著加恩賞給內閣學士銜用示嘉獎宿儒之至意欽此

初五日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨前據張人駿電奏廣東五月中旬連日大雨東西北三江潦水同時漲發冲決圍堤損傷民業當經諭令將被災戶口妥

屬亦遭淹浸鄉民財物悉付東流被水之區甚廣實爲數十年來未有之鉅災覽奏殊深憫惻加恩著賞給帑銀十萬兩由度支部給發著該部派委妥員前往詳細查勘辦理急賑仍著實籌欸項妥爲接濟毋令災民失所並設法補築圍堤俾得復業用副朝廷軫念災黎之至意該部知道欽此

初六日奉

上諭七月初一日孟秋時享

太廟朕親詣行禮

後殿派溥偉行禮兩廡派德

壽毓璋各分獻欽此

初七日奉

上諭初七日換黃葛紗袍萬絲冠

初八日奉

上諭甘肅布政使著繼昌調補樊增祥著補授江甯布政使欽此



Faint, illegible text columns, likely bleed-through from the reverse side of the page.

五月二十九日 署甯都營參將李保荃到謝委 下關擊驗局那由蘇回 獸醫學堂左起慶稟知考

畢 知府韓汝元銷查同鄉官冊差 知縣李鍾珏辭回滬 曹昌祐由滬回 縣丞程振基奉警察局

委赴揚州 前福建藩臺周蓮辭回如臬 水師學堂蔣稟知考畢○三十日 總參議舒由京回 知

府曾樸由滬來 丁堰釐捐姚繩武 金壇縣倪曾榮 崑山縣吳熙 知縣吳慶元均辭 王宗炎到

守備吳俊傑由徐回○六月初一日 南贛鎮邱俊鳳交卸黃州協來 洋河營遊擊楊金濤謝委署

提右營參將 候補道羅治霖赴湘岸 張庭杰赴江西均辭 上海西路總巡蘇緒謨到 遊擊季登

恩由揚來 三十三標軍需官童毓 書記官丁志忻均謝委 砲標二營排長郁懷寶驗看 會辦財

政局鄭業學到差 工料所胡稟知軍械所圍牆需用城磚開運 候補道甯本瑜專丁稟知浙江撫台

咨調法政學堂監督 內閣侍讀孫毓林到 海門廳章維鈞到 州同石凌漢銷官膏局文案差投考

醫學 府經歷崔煊到 縣丞柳若喬湖南回 皖南茶釐孫到 江貞船饒懷文到○初二日 屯

墾總局李到 候補道許鎬察看 通判曹文淵奉帥諭赴金華 銀元局匡 會辦景均稟知開鑄一

文新錢日出四十萬枚 南贛鎮邱俊鳳謝委 參謀處章稟知奉派講武堂監督發畢業憑單 督糧

廳崇恩稟知任事 知縣王宗炎辭 瞿楸鄭到 朱修瓚赴皖 揚州府經歷程祖耀銷藩署文案差

稟知赴任○初三日 江西臬臺陳夔麟由京來 提標前營游擊余志斌到叩謝軍政卓異 運判徐

衡辭 知縣黃士榮由京來 蘇暄江北 鄧復興徐屬均奉委公幹辭 學司陳稟知在高等學堂考

試醫生 請補青口司巡檢魏華煦叩謝牌示 從九施作霖稟知知縣陳鳳鈞丁母憂○初四日 釐

捐局陳奉學使派閱醫生試卷 開通學堂監督果起遜辭 松滬巡防四營蕭振豫交卸回 江利砲

船宋文翹赴滬裝煤 候補道梁煥均 知州王祖蔭均辭回鄂 通判曹文淵赴浙江考查學務 內

閣中書范熙壬由京來出洋 知府徐承諫赴鎮陽關公幹 海門廳章維均辭 請補丹陽縣羅良鑑

辭回蘇 准補安徽龍山左軍守備戴長勝到○初五日 三十五標統帶蕭辭回鎮江 候補道張庭

杰江西回 蘇松遊擊董經奎 常州遊擊楊均到 上江公學監督方皋辭赴京 知府凌家森查雲

南戒烟 英鎮 張厚毅均查同鄉官册銷差 內河釐局李承東出巡回 通判朱瑞安東桃源 同

知方悅魯鹽城早甯 知縣但祖冀邳州睢甯 陶鑄堯東台泰興 潘彥章元甯 薛振東如臯興化

震鈞江都甘泉泰州 徐全慶高溇溧水句容均奉藩司委查各處菸酒捐差 侯祖畚由京驗放來

甯 朱永錫奉府委勘查救生局地界事竣 林維沂由蘇來 巡檢戴于祐由揚來 前軍機章京尹

克昌由鎮江來○初六日 糧餉局朱恩潛叩謝調江南差委飭知 督中協景稟知晒王命 山東候

補道劉德沛由湖南來 轅下巡查高占魁謝委穎州遊擊 同知梁孝熊海州 知縣范鍾湘山陽清

河 余銳豐沛 張振聲寶應高郵 單溥元通海均奉委查菸酒捐差 劉懋均由西岸回 舒需由

揚來 中路巡官謝文淦謝委調辦西路差 江利砲船宋辭赴滬○初七日 前軍機章京尹克昌赴

京 三十五標統帶蕭專丁稟知赴申購辦器械體操材料及醫藥品 江南船塢沈琬慶辭 西路巡

官劉淦選謝委調辦中路差 釐捐總巡潘升南稟知出巡 知縣戴運寅由蘇來 孫傳淑奉委蕭碼

兩縣菸酒捐差 把總黎永福解陶鼎赴新疆回○初八日 福山鎮徐 淞北協何均到 釐捐局陳

辭赴蕪湖 分統浙西鹽捕營朱廷燎到 山陽縣德堪到 主事曾邦彥奉委查看上海監獄辭 知

縣李世璜清江來 張學鴻由淮屬回 學生王藝芳由京來 知府譚傳贊 通判連祖福均銷點驗

陳列所品物差 巡檢黃元愷驗看到省

讀商君墾令篇書後

〔本報撰稿〕

太史公讀商君開塞耕戰書以爲與其人行事相類蓋天資刻薄使然今其書具存世亦以其爲人刻薄而不復研究於其間余獨取西人新學說信古不如疑古之所得爲真且以衡較世變而措之於用尤足挽社會於既敝而知古人學術有沈埋於論古者之胸其著書與行事不必盡合也

商君書專主富強而富強則原本於耕戰吾國自言仁義不言利之學說一開卽耕戰二者爲五帝三王所以滋殖民生保固中國使至今日仍有黃農之苗裔姚姒之山川者亦仍以雜霸權謀之異說屏之然則將不耕戰而後爲帝王耕戰果刻薄待人之代表乎戰猶曰殺人之術然帝王已不能忘戰若耕則純乎養人未聞人以耕而死者乃亦猶以刻薄概之無怪荒蕪滿眼道蘊相望也

耕必始於墾草後世大亂一起地處偏僻交通不利之區皆雜草宅之而人類既多古地之未闢者亟須闢治人顧憚而不爲者又以墾草爲難非有至嚴迫之政治而墾草之令終不可行乃於是不得不心服商君之書既已服之又不能不實求其精意之所在條舉

而件繫之凡商君昔日所制防皆我中國今日之積習苟使一一詳味而次第驅除諸錮蔽則墾草之令亦安見不能行於今者果其行之仁心仁聞皆於是生蓋天地之大德曰生世之至仁愛至敦厚者有過於使人種粟而食而無一飢寒載道之人乎而猶執古人成說以病其書乎吾夫子有曰不以人廢言甚哉聖人之大也

墾令篇一曰無宿治卽後世所稱良吏案無留牘是也此則以警官邪固不背於經旨也一曰訾粟而稅訾量也量粟以供賦卽後世完本色之說也錢非民之所有完本色固善於完折色也一曰無以外權爵任與官外者農夫之外也漢人重孝弟力田三代士出於農商君以爲如是則民不貴學問亦不賤農其曰不貴者不獨貴也由其不賤農故不貴不爲農事而徒以學問博功名者今以至理衡之伊古帝王未有不重穡事者學問之士如其不知稼穡之艱難而徒高語詩書一旦臨民所誤實夥蓋民之業莫多於農直謂治民卽治農可也古者民謂之氓氓者農民也農本可以賅民後人不屑爲農而但好作官是以愈至今日農事愈壞正坐徒貴學問之弊商君此語正復無弊儒者動訾商君欲廢詩書以愚民此篇亦曰不貴學則愚所謂愚者謂質樸不巧詐也讀先秦古書不能知其

詩書以愚民此篇亦曰不貴也。其曰農無得糶則古人必謹蓋藏也。其曰使商無得糶則今日嚴懲囤戶坐致糧貴之說也。曰農無得糶則古人必謹蓋藏以餘三餘九之說也。無裕利則商怯商怯則欲農皆重本抑末之精義。

其曰聲服無通於百縣則在今日爲最頑固之說。聲不通則言語侏僂服不通則衣冠殊制。此皆有妨教化。且於國力不能增進。然在當時百家之說。老子曰邳治之世其民老死不相往來。莊子曰澤不津川不梁蓋欲民安於耕食鑿飲之天則必防其見異思遷之漸。言服不通民之憚於遠出可知。甘食其土而無越思縱不進化亦無寇亂。故在今日爲銅蔽風氣沮遏文明在古人爲安土重遷相忘帝力亦養民之實心無戕民之他意也。

曰無得取庸古者傭與庸通。今日民俗浮靡富者傭任盈前貧者亦托於無田而轉移百職事雖有田者亦樂爲傭保不願爲農夫。此正吾國今日乏粟之原因。日本國俗居家在官有傭僕者極少而女僕尤少。深得古人不取庸之義。所以實業大興商君此語吾國人尤宜留意也。

其曰廢逆旅則在通商之世斷無此法矣。商君言此蓋以防杜奸萌。春秋戰國皆未嘗無逆旅以安賓客商君治秦獨有此令亦聲服無通於百縣之意也。

曰壹山澤蓋謂山澤有官守或賦於民使各爲一家之產則好惰多欲之民自然無所事
事按此語在周秦間人民寡少原野平沃者多故孟子有入其疆土地闢之說闢者闢其
未爲田畝者也後世人民滋殖平地可耕者搜剔無餘自不得不取資於山澤任民採伐
漁獵或種殖牧養焉雖然山澤多天然產出之品民之惰而多欲者易啟覬覦不似農墾
之日積勞動而所得亦有限制古之興墾者所以必下壹山澤之令觀於今時凡山澤所
在皆有納賦稅之人牧豕於澤驅羊於山亦必各有地段荒草穢積主家無暇刈割則縱
火焚之以爲明年其生益茂雖逃荒避災之民目豔樵薪之可採而不得主人之允許則
不得妄折一枝是壹山澤之令今日久已行之當商君時平土尙多慮民貪山澤偶然之
利而惰於常常墾穫之源以是而壹之固未爲賊害於民也

曰貴酒肉之價令十倍其樸然樸者切實必需之物如布與粟是也十倍其樸者謂非樸
實必用之物其市價必十倍也按此語精極自商君以來一千幾百年吾中國經濟家皆
未見及此至西法浸入乃知泰西煙酒之價真有十倍於成本者甚有不止十倍者且有
官自主之民間不得私製者斯有二善焉國用充足而非剝取於貧勞之民一也人民務

農賦獨輕商君之法爲今日歐西經濟家試驗實行無弊其國因以盛強則周秦諸子之說研究理極固非迂儒小生所見及矣

曰重刑而連其罪案刑期於重而罪必株連雖曰驅民一其心力於實業然而冤抑既多怨毒叢集弦急則絕勢成土崩秦運之所以遽歇商君此言蓋亟於求富而操之過急觀於今日東西洋各國刑律最輕裁判最慎父子兄弟夫婦亦不相及卽有罰刑而無金者亦不過作苦工是以民心日固國勢彌崇而犯法者轉少於吾國商君時學理日闢而未至格致綦精之時代所言固宜分別觀之也

曰使民無得擅徙案今日新法警察嚴密戶籍清釐固無擅徙之民而亦無禁遏之令蓋土地有限而民生無窮秦地雖大民不皆疏行而居其居既密自須播遷此特一時防制之政非可爲常令也

曰均出餘子之使令以世使之案周禮小司徒餘子謂卿大夫之子又案魯語工史書世註謂世次也世使者以次第使之也卿大夫之子得官較易均其使令而次第使之不得避國家之徭役仍使民不羨官而厭農也

曰國之大臣諸大夫博聞辨慧游居之事皆無得爲無得居游於百縣案民之所以羨官以官有游閒之樂而民特域於封洫之間也今一一拘制儕於齊民民自無歆羨心矣曰令軍市無有女子而命其商令人自給甲兵又使軍市無得私輸糧者案後世法令商人無與兵革之事而可以販賣於軍旅之間又商人於軍市租屋鬻物豔妻當壚亦所不禁則是有百樂而無一苦古時計畝出車商人無田則亦無兵而仍有後世商人各項利益商君此法軍市無女子是商人不得挈家而居也又使自給甲兵是仍不得免爲兵也又商人之利莫大於販軍糧今糧由官運商人不得私輸是商人無可別於農民而但舍其隴畝覓利於無何有之鄉又欲爲兵而耗其時間損其物力商安得不反而爲農者曰百縣之治一形案此則治化統一之說頗合今泰東西政治之體蓋學校統一官制統一軍政統一警察統一天下如臂指之相使民心統一則術業不紛不獨農事發達也曰重關市之賦則農惡商案今世泰東西國皆有門牌之捐所謂市賦也吾國但有關稅而又與外人以稅則訂入約章不能如外人有保護己國商業之稅故農旣無所懲而日趨商市商亦一無所恃而受外貨之侵逼此兩失之道也誠如商君之令能自重其關市

觀之物極鮮商之損自是農之利也

曰以商之口數使商令之厮輿徒重者必當名案商令者治商人之法令也厮輿者厮養之主輿者也徒重者卒徒之主輻重者也必當名者以人口之數確合於軍籍之名不得有虛籍也以是知兵興而商之擔任愈重此令不著於農而著於商下文農逸而商勞也者蓋秦令農雖爲兵而兵車輻重各任載之厮役卒徒皆以商充之而稽其名籍尤爲嚴密甯寬於農不寬於商農益國者也商蝕國者也今西人在外國經商尙有商團自製器械其商船遇戰事則改爲軍艦而商情樂用迥異於秦人之以是沮商而導農斯又運會使然民智日開之故而商人活潑運動究勝於農故西人農業亦復振興蓋農亦謀利有商之智卽爲農而利亦厚今西國農業亦糾公司則是以農爲商又何術以沮商耶而在前古民愚時代上固不可無抑揚於其間俾民趨於足食之地位也

曰今送糧無取僦無得反庸案說文僦賃也庸傭也謂運送糧車不與賃資又不准於其返而再遣之若今之當差徭者然既不許商人販糧而農人輸送不與僦價則道里亦必有限制所以重惜民時也又曰車牛輿重必當名此又均役之意恐其名不實而有再三

南洋官報
之儻遣則必荒一家之農事矣

曰無得爲罪人請於吏而饒食之案饒食罪人若今之送牢飯也不准外送祇食於官必粗糲不飽而囹圄之苦必倍人自不敢犯法犴狴之地其人少鳩厲之時其人自多矣案以上各節皆取其本段首一句主義所在而尋究之以下本段引申語義則不復論及而各段結語皆曰則草必墾矣其布令之義本賅於首一語之中今衡諸物情揆諸時運商君之令可行於今者尙十有六七其有合於今日新學說而爲泰西格致家推究考驗而得者尤有上下今古冥契無形之處商君在吾國誠爲古今政治之一大家合循吏酷吏爲一手不必盡以刻薄概之也觀漢以來酷吏傳未嘗無清廉特立之操而所在安堵無亂萌得古聖人辟以止辟之風至若循吏則所培尤厚然如杜詩召信臣輩所至勸課農桑而未嘗不果於斷殺人民所資在穀而所畏在刑所憚者尤在墾草某嘗博詢農家者流知墾草實爲農業一大困難之事非獨開荒雖熟田種桑必接續以三年之墾草而一人所墾亦甚鮮少故墾草工少則桑瘠工多則本折糞料次之推之他植亦莫不然商君獨提出墾草爲令而立一切縝栗之法以驅之謂如是則草墾矣左氏傳若農夫之務去草古今皆以草譬惡人苟無嚴肅之法民安見其悅而服勞者是商君之令近於嚴苛

農工商部會奏擬訂勸業道職掌任用章程摺

奏爲擬訂直省勸業道職掌任用章程恭摺仰祈 聖鑒事光緒三十三年五月二十

七日內閣奉 上諭朕欽奉 慈禧端佑康頤昭豫莊誠壽恭欽獻崇熙皇太后

懿旨各直省官制前經諭令總覈王大臣接續編訂茲據慶親王奕劻等奏稱各節應卽次第施行至一切辦事權限各項詳細章程有應由各部及各衙門覈議者著卽分別妥擬畫一辦法奏定陸續頒行等因欽此欽遵到部續准憲政編查館咨開此次擬定各項章程應由各部奏明交本館詳細覆覈然後請 旨頒行等因臣等伏查勸業道有振

興實業規畫交通之責非明定畫一之職掌無以爲督率考察之資特是各直省情形繁簡不同分科辦事詳章臣等殊難預訂疊經往返商酌惟有提綱挈領擬訂簡章十四條俾創辦之初有所遵守一面由臣等咨行各省督撫飭令該道各就該省情形酌擬辦事細則送部覈訂以期周妥而便施行其餘未盡事宜應隨時損益者仍由臣等會商修改奏明辦理又查直省官制原奏清單第十四條內開勸業道專管全省農工商業及各項交通事務並將按察司舊管驛傳事務改歸該道兼管等語三十三年五月准陸軍部咨

四月二十七日會同軍機大臣具奏各省驛站邊防台站向由兵部掌管現在輪路未盡交通擬請仍照舊例由陸軍部經理以一事權奉 旨依議欽此自應查照原奏俟將

來航路鐵路一律通達再由陸軍部會同郵傳部詳察情形奏明辦理以符奏案所有臣等遵擬直省勸業道職掌任用章程謹合詞繕單恭摺會陳應請 飭下憲政編查館

詳細覆覈請

旨施行伏乞

皇太后

皇上聖鑒訓示謹

奏光緒三十四

年五月初九日奉

旨依議欽此

擬定勸業道職掌任用章程

一勸業道秩正四品爲督撫之屬官歸其節制考核應稟承農工商部郵傳部及本省督撫辦理全省農工商業及各項交通事務並應由農工商部郵傳部隨時考核

一各省應行興辦農工商各實業以及推廣船路郵電等事勸業道應先詳細調查呈明農工商部郵傳部及本省督撫設法籌辦並有督飭地方官切實奉行及考察勤惰之權

一地方辦理農工商業各員紳除奏派大員外均歸勸業道管轄其關於農工商業之學堂公司局廠應隨時稽考將辦理情形彙報農工商部及本省督撫

理

一各省原設之招商鐵路電報郵政等局以及商辦之鐵路公司一切事宜勸業道應會同籌商督飭保護並將辦理情形隨時調查彙報郵傳部

一農工商部郵傳部將來在各省特設專局章程載明由勸業道兼轄者該道應按照定章切實籌辦

一關於農工商業及交通事務應設地方各項局所由勸業道稟明籌設劄派員紳經理

一勸業道應視各該省事務繁簡稟明督撫酌派相宜人員分任各事以資佐理並得派員周歷調查其各廳州縣之勸業員卽由該道詳請任用

一農工商部郵傳部現在通行各項章程條例勸業道均應遵守奉行並得酌量地方情形督同所屬擬訂辦事細則仍隨時分別申報農工商部郵傳部及本省督撫核定

一勸業道辦公經費應先就本省籌撥款項並由農工商部郵傳部分別省分大小事情繁簡兩部籌給津貼每年不逾二千兩分兩季發給由該道按季詳請農工商部郵傳部請撥辦公

一勸業道所辦各事除隨時詳明督撫或申報農工商部郵傳部外應按年將本省興辦實業交通事項及用人款項等事詳列表冊說帖報部以備統計

一遇有新設此項道員或原有勸業道出缺應由該省督撫在實缺道府暨本省候補道員內遴保二三

員出具切實考語奏請

簡放或先行試署農工商部郵傳部亦可會同就所知堪勝此項人員臚

列事實預保存記遇有缺出由軍機處開單一併進呈恭候

簡用

一此項人員應就銜缺相當以及京外應升人員遴選或會充農工商礦各差及辦理交涉各事務經理得宜或提倡公司局廠確著成效或曾在農工商部郵傳部供差公事嫻習以及講求實業交通諸政素有心得者方爲合格

一以上各條將來如有增添刪改之處應隨時請

旨辦理

督憲端蘇撫陳奏江蘇省城開辦自治諮議兩局摺

奏爲江蘇省城設立自治諮議兩局遴委官紳先行開辦恭摺仰祈

聖鑒事竊於光緒三十三年八

月二十三日奉

上諭欽奉

皇太后懿旨著民政部妥擬自治章程請旨飭下各省督撫擇地

依次試辦又於九月十三日奉

上諭朕欽奉

皇太后懿旨著各省督撫均在省會速設諮議

局慎選公正明達官紳創辦其事各等因欽此當經臣方先就江甯省城設立籌辦地方自治總局並附設諮議局派員延紳詳加研究已將開辦情形會同臣啓奏具

奏在案伏查自治諮議兩局同爲立憲

之基礎泰西各國憲法各有不同而近可取法者莫如日本然其維新之初亦復幾經考察因時改良乃得漸收整齊畫一之效至今猶未能臻於完備中國情形較異人民程度未齊舉行太驟或不免成效未

切實講求庶幾法理互相研究人材藉以養成以仰副 朝廷亟圖自強之至意既經臣啓泰就蘇州省城擇地併設自治諮議兩局均以潘學臬三司總理局務札委江蘇候補道王仁東蘇州府知府何剛德充兩局局長又委候補知府陸懋勛長洲縣知縣宗能述元和縣知縣魏詩詮吳縣知縣金元煊同爲該兩局叅事並照會省紳前翰林院侍講鄒福保爲自治局局長其餘課員以下由總理會同局長遴選嫻習法理官紳分別委用已經刊給木質關防次第開局酌擬簡章就省城長洲元和吳縣三邑先行試辦自開局以來每值星期臣啟泰必親詣該兩局督同總理局長叅事諸員邀集蘇紳王同愈江衡蔣炳章潘祖謙尤先甲陶冶元孔昭晉張履謙吳韶生石祖芬程增瑞吳本善等將自治諮議兩局應行事宜詳加討論一俟民政部及資政院擬定詳細章程 奏准頒行卽行遵奉辦理該兩局所需經費均由藩庫分別籌撥自治局用項應俟地方籌有的款再議歸還諮議局用款應請作正開銷其省外各府州縣間有紳士請設自治會者臣等擬令先行試辦並飭該地方官妥爲監督勿任稍有流弊統俟省城辦有明效並奉到 奏定章程再行次第推廣通飭遵辦除分咨憲政編查館資政院民政部查照外所有江蘇省城設立自治諮議兩局遴委官紳先行開辦緣由謹合詞恭摺具 奏伏乞 皇太后 皇上 聖鑒訓示謹 奏光緒三十四年五月十二日奉 硃批該衙門知道欽此

又奏設立調查局片

再准憲政編查館咨奏准飭各省設立調查局由督撫派員經理等因臣等查調查一項端緒至繁非詳細研究未易得其綱領現經臣啓泰就江蘇省城所設自治局側附設調查局檄委藩學臬三司督辦並委候補道王仁東總辦該局事務又委省紳分省補用道江衡會同辦理所有調查局分設法制統計兩科應派科長及每科分設三股應派管股委員並庶務書記等項均由該司道等遴選詳委其局中辦事細則及局用薪資亦經詳細擬議由臣等核定飭遵所用經費應請作正開銷並已刊給木質關防先行開局至憲政編查館另片聲明由督撫飭令司道及府廳州縣各衙門添設統計處就該管事項按照頒定表式分別填送一節亦經通飭設立侯憲政編查館表示頒到卽令遵照填送除咨憲政編查館查照外所有蘇省設立調查局緣由謹合詞附片具陳伏乞 聖鑒訓示謹 奏光緒三十四年五月十二日奉 硃批該衙門知道欽此

督憲端咨蘇撫文 一爲送浙江孝女吳錢氏事實冊結事

爲咨送事據江甯藩學兩司會詳據署上元縣知縣田贊榮句容縣知縣許文濬甘泉縣知縣萬啓型候補知縣曹杰等稟稱竊維翟禕啓化采風先淑女之篇彤管揚輝褒德重夫人之號是以江橫古竭孝紀曹娥山峙摩笄烈傳趙姊旌桓嫠之大義太史書閭襁金母之柔嘉甘泉畫像惟懿行克昭於巾幗斯幽光宜闡於 朝廷知縣等耳熟鄉評心儀闡範竊見前高郵州知州安徽候補道浙江仁和錢錫賓之女

痿痺之症肱三折而難醫而抑搔之勤月九閱而靡懈既而疴沈萱背苦益蓼心淑人將母之勤一如事父之日無如回天力乏後先興岬帖之悲搶地哀深出入抱蓼莪之痛於時喬柯既折慈竹中摧劉女之費飾早成漆室之投纆已決徒以鶴鴿急難泣籲更生遂教杜宇返魂悲啼終死梧楸奠醢蠻口澤之如存窀穸經營崇蠶封而盡瘁又况姊歸課讀續延贏負之宗更思女學捐資不吝髮蹠之斥既克家而撫弟卽錫類以揚親友將永謝微波長標貞木而其從父直隸北路廳同知錢錫家四川候補道錢錫寶等勸警交至函電紛馳始得轉匪石之心縮繫絲之臂以光緒三十四年正月二十日歸吳爲繼室入門而兒女投抱舉案而夫婦如賓何期嘉禮甫成佳耦易折卅一年守貞不字已愆歸妹之期十八日伉儷方諧遽墮曇花之影知縣等托桑梓之恭誼景蘭蕙之芳型未忍聽其湮沈用敢不辭覲縷爲此開具事實清冊加具印結稟請查核轉詳奏請 旌表等情並冊結據此本署司等伏查前高郵州知州安徽候補道浙江仁和錢錫寶之女翰林院庶吉士奏調江蘇試用道江西新建吳璆之繼妻錢氏幼嗜儒書長敦孝行養親矢志謝盛飾於瑱環割臂和湯乞靈丹於刀匕旣而回天力絀負土躬勞種植松楸全憑弱女扶持棣萼幸逮成人竭孝養之苦心甘守貞以終老雖誠承從父勉諧玉鏡之盟而敬謝如賓遽斷蕙幃之影跡其心純孺慕無慚德號女宗旣資矜式於鄉閭宜荷褒揚於 盛世理合將送到冊結具文會詳仰祈鑒核奏咨等情到本部堂據此查浙江省孝女吳錢氏旣據實缺同鄉印官田令寶榮等造具

事實清冊加具印結稟經藩學兩司覆查屬實並詳懇 奏請 旌表核與成案尙屬相符自可照辦惟各項請 旌之案向俱由貴部院主政相應將事實冊結咨送爲此合咨貴部院請煩查照核辦施行

督憲端札甯蘇藩學臬司及各道文 (一爲調查局實行調查編制事)

札飭事據江甯調查總局詳稱竊照憲政編查館請設各省調查局並定辦事章程十三條於奉 旨後通行遵辦職道等奉到憲飭即將摺片清單一併排印裝釘成帙移行本省文武各衙門及局所營隊一體知照在案查定章第十二條內開所有編制事項應由本省督撫札飭府廳州縣就近派員調查其統計事項按照館定表式並札飭司道及府廳州縣各衙門添設統計處選派專員就該管事項分別列表彙送調查局等語是統計事項全賴司道府廳州縣各設統計處分別調查列表送局卽編制事項亦賴府廳州縣就近派員調查報告必先有司道府廳州縣之統計處然後調查局之統計得以綜核而靡遺必先有府廳州縣之調查員然後調查局之法制得以裒集而成帙職道等悉心規畫久思專案具詳因表式將頒留以有待茲開局已逾匝月式表未到雖經移行各衙門局所次第調取而事無專屬終慮措理爲難理合具文詳祈鑒核迅賜札飭本省司道以下各衙門各設統計處選派專員逐細調查先行列冊一俟奉到表式卽照填送局覆核並通飭府廳州縣各選會習法政通達治理人員將編制事項逐

道等更有請者憲政編查館定章法制科第二股查本省督撫權限內之各項單行法及行政規章今甯蘇兩省分任調查甯局應查之各項單行法及行政規章悉出憲轅可否仰乞諭飭各房寫生檢查檔案將歷奉各前憲暨憲臺任內因時制宜批准特行及各項通飭案件擇要抄錄並將清查處所查各局所學堂表冊一併行局編纂備考伏乞核示祇遵職道等仍常督飭科長股員廣爲搜討以期完備等情到本部堂據此除批據詳已悉查憲政編查館奏定調查局章程內聲明由督撫飭令司道府廳州縣各衙門添設統計處就該管事項按照頒定表式分別填送考核現在表式尙未頒定其統計事項自應俟表式頒到遵照填送惟編制事項亟須先爲調查候札飭各府廳州縣迅即派員調查稟局彙核辦理至甯局應查之各項單行法及行政規章有須查證本衙門檔案者並准隨時申請飭發查考仰即遵照辦理此繳印發並分飭各府廳州縣迅即遵辦外合行札飭札到該口即便遵照

督憲端通飭所屬札文 一爲吸烟人員應自行呈請開缺開差事

通行事據江蘇左臬司詳稱案查光緒三十二年八月奉 上諭嚴禁吸食鴉片並禁種罌粟著政務處妥議章程具奏等因嗣經議奏禁烟章程十條頒發各省當奉前撫憲陳飭由朱前升司詳定辦法在案本年三月奉 上諭鴉片流毒爲害甚深前已降旨剴切申禁內外大小臣工宜如何淬勵奮發身體力行乃近聞臣工平日沾染嗜好者仍不乏人或陳明戒斷其實未盡祛除或癮已沈痼表面巧爲掩

飾或明目張膽吸食如故若不專派重臣認真查禁恐禁烟之令難望實行著恭親王溥偉協辦大學士鹿傳霖協理資政院事務景星丁振鐸充辦理禁烟大臣等因欽此又四月奉 上諭溥偉等奏辦理

禁烟請推廣訪查一摺言官有糾劾之責自當留意訪察著於三個月後如訪有沾染嗜好巧爲掩飾者立即奏參尤當隨時查訪嚴定章程認真摘發不得稍有瞻顧等因欽此自應欽遵辦理計蘇省開辦迄今已一年有餘雖烟館名爲一律閉歇仍不免私下設榻開燈至食戶須請給牌照買膏膏店須見牌出售直未聞遵行泄沓之風沈疴莫起本司竊思凡事上行始能下效自以實力先清官界爲扼要之計官不吸食始可禁民前雖曾飭委在省官員調查各省候補人員並令各上司查察各屬人員業據出具不吸烟或吸烟而早戒或現已遵限戒絕各結其中非無一二有志之士或已實戒而因循如故者仍復不少將何以挽頽風而祛痼疾 朝廷鑒及於此已特派辦理禁烟大臣並聞有派員赴各省調查之舉則外省官界似不可不嚴行清查本司愚見擬請通飭闔省現在各府廳州縣及教佐各員各局所有差人員並候補正佐各員均令於奉文十日內自行呈明如素染烟癮情愿力戒者卽暫請委員代理差缺具限遵戒俟戒斷後取具同鄉官切結呈送查核由該管長官考驗如確係戒斷仍令當差回任倘隱匿有癮故意自謂不吸烟或謂先曾染癮業已戒斷巧爲掩飾一經查驗得實立予撤參不貸該管上司扶同徇庇一併參懲如有年在六十以上及因病吸食自揣癮深不能戒斷者惟有自行呈請開缺開差斷

懲辦再由各地方官會同紳董切實諭令吸烟之人照章領取牌照始准購膏以期逐漸減癮戒除不至將來編入烟籍亦不准吏胥差役從中索擾其有種植罌粟之地務必確實查明遵照部章造冊具報分年減種拔除淨盡隨時委員查勘逐年減種若干或向多罌粟地畝能從速一律改種糧食不待限滿毫無種植者准特予獎叙似此嚴密辦理庶烟害有廓清之一日除移會兩藩司兩提學司並各巡道暨江甯蘇州巡警禁烟等局一體通飭各屬遵照辦理外是否有當理合詳請鑒核批示飭遵等情到本部堂據此除批據詳已悉查蘇省官民禁烟辦法早經嚴飭實行所有文武軍學各官界併經嚴定章程通飭清查業據出具不吸烟或吸烟戒斷各項切結惟因循泄沓之風仍恐在所不免近來欽奉 上諭特

設禁烟大臣先從京官調驗然後推及外省禁令森嚴斷不容稍有姑息今該司擬再通飭闔省實缺暨候補當差各員如素染烟癮者均自行呈明暫請委員代理差缺具限遵戒俟戒斷後取具同鄉官切結呈送該管長官考驗確係戒斷仍令當差回任隱匿掩飾者查實立予撤參該管上司扶同徇庇一併參懲如年在六十以上及因病吸食不能戒斷者亦自行呈請開缺開差初到省人員均令取具同鄉官切結分別有癮無癮辦理所擬辦法甚屬切實自府廳以下實缺候補各員應即責成該司嚴飭遵辦其現任司道暨各候補道員如素染烟癮者亦應呈請本部堂暨撫部院暫行委員代理差缺具限遵戒此外各局所各學堂暨兩淮鹽務以及武職之綠營新軍水師海軍各員弁均責成該管長官一體切實查辦

統限於奉文十日內據實呈報如逾限不報無論何員查有烟癖者定即從嚴參辦該管上司一併究懲候即分別咨行飭遵至查禁民間各條除清查烟畝一事現經會同撫部院派員分赴徐州及淮海通海一帶依限查報並出示勸諭自明年起一概不准再有種烟地畝外餘如查禁私開烟館暨不准製賣烟具以及吸烟之人領取牌照購膏各節仰再嚴飭各屬會督紳董實力辦理不准敷衍塞責以期早清烟害切切仍候撫部院批示繳印發並咨行外合就札行札到該口即便遵照並轉飭切實辦理勿違此札

贛臬司詳改良監獄辦理情形文并批

爲詳請示遵事竊維監獄之良窳關乎政治之隆汙夷考中國圖土之制見於周禮其言象規爲形可知其時建築之法已具深意則其制度之完善更有必然乃歷代陵夷古意寢失逮至今日而各地監獄之現象遂至湫隘汙穢非人所堪適值環球交通東西各國皆於此事極爲注重舉凡建築管理教育衛生諸法無不悉心研究力求美備以視中國判若霄壤故其人一入內地覩此內容相與驚詫蹙額目爲黑獄法權不屬實以此爲最大原因邇者 朝廷注意改良 明詔諄切而我憲臺殷殷督飭形諸文告亦不啻三令五申要政所關固當共知奮勉本代司備員司法責有專歸又嘗竊查部章內載腹地省分財力稍遜之區遞及府縣各量物力之豐歉人格之高下罪犯之多寡地段之廣狹由按察使實力籌倡分年修改年終將改良成績造冊報部等語更何敢不殫心竭慮銳意圖維迭據各該縣稟報修改竣工

犬豕無怪乎月報病斃多名雖有國手神醫莫能施其手段也然綜觀三監府監略優而縣監尤劣推原其故良以兩縣歷多署任一年半載敷衍因循諸務未遑何暇及此設長此以往則腐敗不已繼以破壞不已必至傾頽無論罪犯之性命攸關卽監獄亦將不能久持本代司目擊情形不禁惻然動念竊思罪犯而死於法此其孽由自作官固無如之何若死於監則官實爲之捫心能無負疚况乎

諭旨

之所昭垂大憲之所提倡以省會四方交通之區一省中央之部外而繫遠人之觀聽內而爲各屬之權輿僅使苟且補苴因陋就簡已不足以示文明而資準則矧其內容腐敗至於斯極更何得不亟圖改良連日再四思維悉心籌畫擬於省城建一最大監獄期於規模宏壯俾各屬解省之犯廓乎有容卽命名曰江西全省模範監獄凡各縣招解寄禁及留禁省監人犯一律收禁其南昌府監卽可歸併所有建築之法管理之方教育之旨衛生之宜悉當依法部署務使機關完備缺憾毫無上以副 朝廷矜恤之仁下以盡職守當爲之義惟查府監地勢低窪面積狹窄其勢實難展布不得不另行度地購造查有南昌府水利通判衙署屋舍傾圮已成破壞之局現署通判另賃公署此宅已曠而不居其旁復有衛所舊基久已荒蕪鞠爲茂草若一併芟夷平毀地址甚覺寬宏昨經面飭南昌府并派委章令定瑜及日本警察監獄畢業生蔡澤周躬往勘丈據稱核計面積約可容犯四百名之譜是雖不足遽稱閱肆亦可稍改舊觀擬卽擇定該地興工建造至兩縣監獄亦不宜置爲緩圖應俟新監告竣卽飭兩縣將犯撥入各就原

監基地增購毗連民房一併酌量修改擴充如此耳目一新風聲所樹在省會既免囹圄竄敗之誚而各屬亦獲楷模則傲之資行見相率推行似於監獄前途不無裨益第工程較鉅需費浩繁亦知近來籌款維艱圖始不易然此爲萬不可緩之舉曷敢因噎廢食稍事因循惟若待設法籌維款難遽集勢必坐荒歲月日久無功擬請札飭藩司先行籌墊俟工竣後或歸藩庫撥付作正支銷或由各縣勻攤歸還墊款再由藩司籌畫議詳庶不致經始爲難徒延要政以上情形均經本代司披瀝面陳仰蒙撫憲俯允飭卽從速舉辦莫名感佩自當謹遵辦理現已派委委員繪圖勘估刻日鳩工庀材督率興造以期早觀厥成其繪具圖說及估定工料價值清冊容俟斟酌妥善另行呈請憲鑒合無仰懇憲恩卽飭藩庫酌撥銀三萬兩半爲興造模範監獄之用半爲修理兩縣監所之需庶幾經費有着可以隨時支取所有詳細章程均俟工竣由本代司分別妥擬另文詳請核明奏咨立案抑尤有請者查此項監獄收禁人犯類皆情重罪囚人數尤衆其典守之職司固宜專設而一人之耳目亦恐難周竊查部章原有省監設正副典獄官各一員之議現在按司獄徒守虛名無所事事而府監既經歸併府照磨亦無職守將來監獄落成擬將該兩員分別升改正副典獄一併移駐以昭慎重而專責成其騰出公署卽可酌撥一區以爲通判辦公之所藉示體恤屆時均由本代司酌量辦理愚昧之見是否有當合將擬設模範監獄緣由具文詳請憲台察核迅賜批示祇遵再衛所係歸糧道管理現將基地改造監獄應請札飭糧道知照合併聲明

需經費應准由藩司先行籌墊濟用一俟工竣即繪具圖說並將動用工料銀兩核實造冊報銷請委驗收至詳稱或由各州縣勻攤歸還墊款原屬正辦惟各州縣亦正飭令各將監獄改良並籌辦罪犯習藝所不知該州縣等財力能否做到似須會同藩司酌核辦理仰即分移藩司及糧道遵照仍候撫部院批示繳

各省要聞彙誌

江甯 ●上江兩縣鄉團總董條擬整頓鄉團章程稟陳督憲奉批舉辦鄉團總董爲巡綽奸宄保衛治安起見如其委任得人經費有著則以輔牧令耳目所不及立地方自治之基礎豈不甚善惟披閱該董等所呈簡章頗有可議者如設立息訟所一條既以息訟爲名其宗旨當在排難解紛所息者鼠雀之爭擾糶之釁而已於盜匪凶徒無與也乃忽稱幫匪痞棍肆惡鄉里有稟控者必由息訟所公同簽名始准呈控試思此種匪棍鄉愚畏之如虎雖有投匭告密之條猶恐受荼毒者畏忌不前偵捕不及乃以息訟所名義箝制控匪之人且稱如此則無銜恨反噬之虞不知息訟所憑何威力能杜幫匪痞棍之報復竊慮此法一行所息者良民呼籲之途所不息者匪燄也凡事始基不慎流弊何窮該董等既承辦鄉團有年於事實必有經驗何以發言輕率如此至所稱仿照公益會辦法籌措經費並改歸巡警總局節制等情是否可行其鄉團章程應如何妥爲釐定總董鄉董能否酌仿投票公舉之法務

期得人仰地方自治局會同巡警總辦妥爲擬議詳候本部堂核奪飭遵

江蘇 ●糧道惠觀察以每年海運之後向有籌備米一項以備饑荒其款皆由各州縣解道儲庫備糴近因借撥各項新政之需久未糴儲殊與定章不符除派員赴無錫購買外復親往錫提驗監同斛兌以昭核實

安徽 ●皖撫馮中丞對於禁烟一事素極嚴厲近聞婺源縣魏令染有烟癖迄今仍未戒斷甚爲震怒特札藩司卽將魏令撤任另委委員接替并通飭各州縣嗣後如再有嗜好迄未戒斷者一經查出除治以應得之咎外并記該管府州大過一次每次罰鍰五十兩積至三次卽予以參撤以爲扶同隱飾者戒

江西 ●贛撫沈護院因奉民政部以各屬常有華工被騙誘出外洋作工以致外人虐待行文到省經護院札飭商務總會轉飭各屬商務分會及善堂一體嚴查禁止●江西定章每逢夏令則由警察局購藥施送裨彰公益誠善舉也承辦人員每以劣品充數爲害甚巨現經臬司查悉此弊刻已面諭警察局支應委員務須貨真價實款不虛糜倘再有從前惡習一經查出決不姑寬

附各國政治紀聞

日本文部省近議嚴禁少年飲酒故特詳細調查全國各學校中之職員生徒飲酒狀況以便立法取締

學部奏各省方言學堂添招學生各辦法片

再查譯學館及方言學堂之設係承同文館及廣方言館之舊當時因風氣未開習外國文者鮮是以特設此項學堂以培交涉人才及外國文教員現在各處高等學堂無不注重外國文而各省法政學堂皆有交涉學功課外務部又特設儲材館以培交涉人才此後外交專家不患無人臣等擬咨行各省凡方言學堂已奏咨有案者准其照舊設立惟以後添招學生必須遵照本年四月初六日臣部奏案考選中學堂畢業學生升入若無中學堂畢業學生卽不必添招新班俟現時在堂學生畢業後應就各該省情形酌改爲他項學堂至現在未經設有方言學堂之省分擬令其注重高等學堂及中學堂之各項課程將來自不乏精外國文兼習普通學之人才不必再立方言學堂以一統系而免紛歧謹附片具陳伏乞
聖鑒謹 奏光緒三十四年四月二十六日奉 旨依議欽
此

學部通行各處詳查大學堂師範畢業生効力義務情形文

爲咨行事普通司案呈查本部奏定師範生義務章程內載優級師範生有効力全國教育職事之義務

其年限暫定爲五年年限以內應盡心教育不得營謀教育以外之事業不得規避教育職事充當京外各衙門別項差使如實有不得已事故請緩義務年期考查屬實仍以二年爲限如私自遷延至二年以上者卽將所得獎勵撤銷各等語立法至爲嚴密應卽遵照辦理上年京師大學堂師範班畢業經大學堂咨明該生等願往効力各省分及因故續請改認他省各生一當由本部先後分咨在案事隔年餘該生等是否已盡義務應卽詳查茲按照原咨各案鈔黏清單分咨京師督學局各省督撫並飭行各省提學使司按名確切考查如果該生等現在各該處効力應將到差年月以及所任職務薪金數目有無兼差詳細開列報部如或充當別項差使未盡義務亦應據實開報甘肅有未經本部咨送而在各該處効力義務或充當別項差使或在各該處居住並未効力義務者亦應一併詳查報部以憑察核此外尙有關慶麟等六名未經大學堂咨據呈明願往効力省分茲並鈔黏清單應由各該處一體查明聲覆除分別咨飭外爲此咨行京師督學局各省督撫查照轉行提學使司遵照辦理見覆可也須至咨者

計開上年本部咨行各處効力各生名單（其後因故改咨他處者今不復列）

京師三十名 顧宗裘 鄒應憲 李恩藻 梁兆璜 杜福堃 王榮官 姚梓芳 王廷珪 瞿士

勳 王道元 李慶明 張紹言 陳嗣光 黃嵩齡 黃甫衣 增普 曾載幃 廣源 卓澤 劉

澁霖 伍作楫 孫鴻恒 李榮猷 王澤閏 劉盪訓 謝運麒 煦增 陳伯騶 顧德徵 顧德

吉林三名 楊錕鏞 丁嘉乃 顧德保

黑龍江一名 謝運麒（本年四月經江撫咨回該生並未到京）

直隸八名 王松壽 松照 封汝諤 張灝 高續頤 丁作霖 穆奎齡 姚雲

河南三名 胡汝麟 時經訓 董鳳華

山東五名 于洪起 蕭承弼 田士懿 梅念蔭 王世騫

山西六名（張熙敬一名原咨山西於三十三年三月到差九月又據原呈改咨陝西在山西離差日

期未據咨報）李登選 柯璜 張達瓌 張熙敬 葉開寅 胡祥麟

陝西三名 呂志賢 張熙敬 張伯欽

江蘇一名 陳繼鵬

安徽三名 胡璧城 賀同慶 朱應奎

江西二名 周爾璧 盧榮光

浙江二名 鮑誠毅 余敏時

湖南三名 戴丹誠 段廷珪 向同鑿

湖北一名 朱廷佐

福建一名 陳鏞

四川三名 黃尙毅 張家駒 段以修

廣東六名 祁傑 關翰昭 吳燮梅 盧崇恩 倫叙 倫鑑

廣西四名 廖道傳 吳鼎新 倫明 張東烈

雲南一名 由雲龍

計開未經呈明願往効力省分各生名單

關慶麟廣東人原係度支部主事考列最優等以原官用獎給師範科舉人並加五品銜 任重浙江人原係舉人揀發廣東知縣考列最優等以原官原班用並加五品銜 孫昌烜江蘇人原係舉人考列最優等獎給內閣中書並加五品銜 馬象雍湖南人原係舉人揀選知縣考列中等以原官原班用 張鉅源湖南人考列中等獎給師範科舉人部司務 春澤湖北荊州駐防原係分部主事考列下等 以上六名

蘇藩司詳復日本高等各校學費飭屬攤籌請立案文並批

爲詳復事案奉院憲行准部電日本高等各校收中國學生事均議妥本月已考收學生所有各省認解經費請自本年春季起遵 旨按數籌解並希月內先電匯數成以濟急需等因行司遵辦奉此查此

兩藩庫先各墊千元咨請滬道代購日幣匯東以應急需在案惟現在司庫各款羅掘已空續籌固覺爲難卽責令各州縣始終攤認恐亦力有未逮現擬先其所急姑就第一二三年中應籌之款先後多寡統扯核算每年應攤洋一萬一千七百元甯蘇各半洋五千八百五十元按各州縣缺分優瘠酌分等差攤派核計長洲元和華亭上海南匯青浦武進陽湖江陰嘉定寶山常熟昭文吳江震澤奉賢丹徒崇明十八縣應各歲籌日幣二百元合計三千六百元崑山新陽兩邑各歲籌一百五十五元合三百十元其餘各州廳縣內除太平太湖靖湖川沙四廳或係新設或素稱瘠苦無庸派解外尙有十三州縣應各歲籌日幣一百五十元合洋一千九百五十元統分兩期按上下半年正七月繳府彙解司庫此次第一次上半年繳款卽限四月內責成各該府州督催收齊彙解遇有交替准其各按在任月日分攤歸補似此變通辦理庶各輕而易舉至三年以後應如何接續籌解屆時再行體察情形妥議詳辦再日幣價值時有高下未能預定確數應酌中定作每元合庫平銀七錢二分俾得核數認解以歸一律設有不敷由司另行籌補除分移並飭遵外相應具文詳復伏候憲台鑒核批示立案

督帥批 據詳已悉日本高等五校經費各不同必待每年攤算分飭殊覺煩瑣且有畸輕畸重之嫌今就前三年中平均核計按各州縣缺分優瘠酌分等差攤解尙屬平允應准照辦仰飭各屬一體遵照仍補詳撫部院并候批示繳

甯學司詳請擴充暨南學堂並提倡華僑學務文

爲詳請事竊案前歲瓜哇各埠申送子弟內渡來甯入學蒙憲台嘉納 奏設暨南學堂特別招待海外華僑歡欣鼓舞邇來該埠董事梁頌潘炳勳林長炎莊嘯國等復以次帶同學生七十餘名續來赴學該華僑眷念宗邦熱心就學固可貴愛而我憲台提倡保護尤足欽佩後此來歸自當日見增益據該董事等面稱年來瓜哇全島學堂亦已增至五十一所學生共四千六百餘名是則僑學之進步既如彼而內嚮之熱誠又如此我 朝廷保商柔遠之至意當大有所措施謀畫於其間本署可不揣愚陋妄獻芻蕘條列數端謹爲我憲台縷晰陳之一宜派員調查以資整頓也華僑在外興學風氣雖開程度尙稚且教員不易得則教授管理未免參差土音既互殊則畫一語言尤當注意該埠學生既時有內渡必當令內外學風純然一致庶功課可以直接教育易於圖功若任其自然卽難臻斯效應請憲台特派委員親赴該島調查各學堂管理教授諸法整齊而畫一之有未合者勸令改正以期盡善華僑學務受茲影響必能愈加整飭日起有功有同軌同文之美而混自爲風氣之患矣一宜優獎辦學之人以示鼓勵也查瓜哇華旅不五六年間設學堂至五十餘所收學生至四千餘人固靡於 國家興學之德風亦辦事者熱心毅力經營之所致往年前粵督憲岑曾經派員查瓜島主持學事尤爲出力者 奏請獎給榮銜有差今事逾兩載學務益見發達辦理又多易人尤宜優給獎叙以資鼓舞應請憲台就該島辦學人員中擇

心公益不辭勞瘁並請先行比照異常勞績 奏請給獎以昭激勸至林長炎莊嘯國二員查無官職應否一併給獎之處並乞 憲裁一宜擴充暨南學堂以宏造就也查暨南學堂原就妙相庵增築而成去年學生僅三四十名尙可勉強敷用現在學生將及百名已有人滿之勢此後一有增加定至無從安插且所授課程除中學一班外餘皆高等小學程度學生學業既進不能無一中學以爲升階內地所設中學僅足收容本籍子弟更無餘額以處此項多數之學生况招徠華僑非得一壯麗之學堂不能使之傾向非設一完備之學科不能使之速化審度情勢應將暨南學堂另築新校大加擴充改爲中學堂而仍附設高等小學以爲初歸國者豫備入中學堂之地酌定學額約五百名中學二百名小學三百名他日學生程度漸高再行酌量變通所授功課大致仍遵 部章惟念該學生等跋涉重洋歸國求學畢業期限似宜酌量縮減至開辦經費預算約需十萬金常年經費亦約需六萬金近來江南財政支絀勢難籌此巨款應請憲台專摺請款開辦查該項學生以閩粵兩省人居多其常年經費自應由閩粵兩省與江南分籌僑民經商海外歲有贏利寄歸於輸入貨之漏卮挽回不少此項經費倘由海關分撥尤爲允當擬請 旨飭下粵海關閩海關江海關分別撥助似此通力合籌諒不難於集事而華僑子弟之歸國者可得受完美之教育矣以上所舉實爲整頓華僑學務應有之義握要之圖倘蒙 俯賜采納次第施行則僑童獲福是非淺鮮他日學業有成傾心內向必有英邁遠到之才奮起而効國家之用者皆 憲

台宏獎風流之賜也所有條議提倡維持華僑學務緣由理合具文詳請仰祈憲台鑒核批示祇遵實爲
公便

瓜哇泗水中華學堂總理陳顯源副理韓錫寬等派員護送學生歸國肄業稟并批

敬稟者竊以強國之策育才爲先育才之道興學爲急近歲以來 朝廷惕然於列強之逼迫毅然改圖
疊下 明詔振興學務海外逃聽風聲凡屬僑民靡不喁喁向化查瓜哇全島久爲荷蘭領土荷人設官
布政劃分巴打威三寶瓏泗水爲三大埠華人僑寓經商盡閩粵產殆不下六七十萬人學堂之興巴打
威濫觴於前諫議里繼軌於後逮於今茲全島學堂已有四十六所顯源等寄居泗水亦於甲辰春間聯
合同志創辦泗水中華學堂二所去年十二月由巴打威學務總會寄信前來敬稔我大帥手創之暨南
學堂及有添招學生之舉誦悉之下感佩莫名在大帥布化菁莪固不問乎遠邇而華僑托身庇蔭何敢
自外生成謹於堂中挑選學生鄭延安等十二人委託學堂查察員莊嘯國護送歸國投赴鈴轅聽候試
驗撥入暨南學堂肄業惟是顯源等生長瓜哇素習貿易謬邀公舉承乏學堂總副理之職實於學務均
未諳曉加以風氣未開易生阻力籌款辦事艱難萬狀以故學堂之設雖已匝歲而筆路藍縷尙待擴充
改良至學生年幼既已失學而口操閩語又未嫻習官音去歲三月特添設官話一科較爲注重自餘科
學時間遂致減少且教習於學生言語不通授受之際動多隔膜故學生進步之難較中國內地殆加數

遺在遠之至意肅稟

督帥批 據稟已悉瓜島風氣日見開通學堂已有四十六所該埠亦設中華學堂二所今從該堂挑選學生十二名來甯就學熱心進取殊屬可嘉據稱程度稍差自難繩以常格候札飭暨南學堂總理收入該學肄業認真教授以期日起有功毋負遠道求學之意此批摺存

各省要聞彙誌

江甯 ●江甯駐防開通中學堂學科係按奏定中學章程辦理惟學生程度多不一致學校設備以及各門學科亦不完全歷來校長欲圖改良皆因困於經濟不能實行四月間由督憲新派鄒笙虞君充該堂總辦果尊光君充該堂監督兩君均係湖北學堂學生赴東留學畢業者明於教育原理故日來有蒸蒸日上之勢聞秋後另建築合式校舍并添置理化儀器博物標本千餘種以爲學生實驗之用

江蘇 ●蘇城各學堂暑假去年照部頒條例於五月下旬給放今屆遲至六月初始放緣毛學司復奉學部來文以今年暑假飭令減短期間改爲四十天歇假後仍令各學生時常來堂溫習質問若小學堂學生則於小暑之前仍須間日到堂授課數小時俾免虛擲居諸曠廢學業故已行飭學務公所及各處教育會轉飭大小各學堂照辦●蘇州師範學堂簡科生江陰人武緯因上年歲底考試畢業時強爭分數經提學監督斥退在案現該生已自知悔悟由南菁學堂監督章紳際治函請毛提學給予

一年修業證書提學以該生自斥退後久未回江自知悔悟其父年逾七旬爲商店幫夥家道寒微雖殷望子之心苦乏讀書之資姑念科舉停罷仕途全賴學堂因特照會鄒監督給予證書以觀後效

安徽 ●皖撫頃奉部咨以上海創設貧兒院業由江督奏咨立案惟查各省貧寒子女所在皆有亟宜通飭各屬體察情形妥速仿辦藉以恤孤養貧已由馮中丞檄飭巡警道斟酌辦理●師範學堂肄業學生刁澤鍾等以法政陸軍各學堂招生入學均按縣由地方官保送而臨淮鎮士子因非縣治不免向隅爰稟請仿照師範准加該鎮學額二名成案藉宏教育已奉批仰陸軍法政兩學堂核議

江西 ●江西泰和縣留美學生劉廷溥等因資斧不繼特具稟學轅懇請改補官費當奉提學使批該生等前經本署司詳准各給四百元作爲津貼實於財政困難之中曲成造就之舉茲請改補官費前來實因目下江省庫款異常支絀無從籌撥應候將來寬籌的款再行酌量核給

陸軍部奏遵設統計處酌擬現時辦法摺片

奏爲遵

旨設立統計處並將酌擬現時辦法繕單恭摺仰祈

聖鑒事光緒三十

三年九月十六日內閣奉

上諭朕欽奉

慈禧端佑康頤昭豫莊誠壽恭欽獻

崇熙皇太后懿旨本日憲政編查館奏請飭各省設立調查局各部院設立統計處由該管堂官派定專員照該片統計一項宜由各部院先總其成著各部院設立統計處由該管堂官派定專員照該館所定表式詳細臚列按期咨報以備刊行統計年鑑之用等因欽此欽遵鈔出並據憲政編查館咨行到部伏維統計之設所以整齊庶政總核名實其義例則無所不賅而事實則各有所指臣部職司戎政最關重要亦極繁瑣現當整軍經武統計尤爲急務自欽奉諭旨遵卽派定專員妥籌辦法業據各省旗歷年咨報臣部文冊逐件調查得有端緒但從前文冊半屬前數年內各軍營該管事件造冊旣已遲延無裨近今統計擬由臣等酌定簡明表式咨發內外各該管衙門均按光緒三十三年冬季內各軍營所管事件分填各表剋期咨報臣部一面由臣等督飭統計各專員將從前文冊所載有關統計事項分立各表以爲根據俟調查各表概行送到再由臣部互相稽考填具表冊咨送憲

政編查館詳核以備統計年鑑之頒而軍事亦可以逐漸加密爰酌擬現時辦法十六條
另繕清單恭呈 御覽如蒙 俞允臣部遵卽通行各省各旗並各該管大臣一體

欽遵迅速辦理庶統計不等具文無負 朝廷實事求是之至意惟查各軍營向來造冊
於官弁兵勇夫等項數目往往有遺漏浮冒含混等弊遂致糧餉等項實數懸殊積習相
沿甚難究詰今既列表調查深恐各軍營顧忌遷延仍不開報近今實數相應請 旨

飭下內外各該管衙門概令寬其既往嚴責將來所有內外各軍營等皆以此次調查爲
始凡員名餉項軍器軍用一切必須查明實在數目填入表內不得再有遺漏浮冒含混
等弊此後卽由臣等不時派員調查如仍蹈從前積習惟有按照此次所擬第十五條辦
法指名奏參以肅軍政合併聲明所有臣部設立統計處並將酌擬現時辦法繕單緣由
謹恭摺具陳伏乞 皇太后 皇上聖鑒訓示遵行謹 奏

再臣部各廳司處均經刊發關防今遵

旨設立統計處與各廳司處事同一律擬請

旨先刊木

質關防一顆文曰陸軍部統計處關防如蒙

俞允臣部遵卽刊刻暫資鈐用以昭信守嗣後應否由

禮部刊發關防之處屆時再行奏明辦理所有先刊木質關防緣由謹附片具陳伏乞

聖鑒謹

奏

齊妥辦以昭畫一如有應行調查之處亦由臣部分別奏咨辦理所有軍諮海軍二處另辦統計緣由謹附片具陳伏乞 聖鑒謹 奏

陸軍部統計處辦法十六條

總則五條

一 統計宗旨 原有防練旗綠各營逐漸裁改其注重必在新軍惟新軍多未成立以前必須舊營防衛是舊營爲新軍過渡故統計新軍必須兼計舊營新舊各統計先取材本部之調查再取材各省之報告循是而本部統計各省統計本國統計本國與各國合較統計以次遞推總以確知軍界實力漸圖進步爲宗旨

一 統計綱目 軍事至繁統計愈瑣不有綱領漫無紀極擬以十二大綱包舉統計事件每綱分目逐漸推行

第一部綱子目凡七 沿革 官制 員名 文報 兵衛 夫役 經費

第二新軍子目凡二十八 官職 編制 俸餉 區域 建設 人員 法規 槍礮 藥彈

器具 糧服 材料 財產 營陣 建築 充補 徵調 教育 操練 衛生 考驗

校閱 交通 轉運 功罪 賞罰 監獄 經費

以上各子目內分目尤多隨事增訂

第三勇營

第四旗營

第五綠營

第六水師

第七邊防

第八要塞

自第三至第八子目均略如新軍惟彼此所有所無者如水師之船隻邊防之屯墾要塞之關隘等類均從宜增減

第九學堂子目凡八 區域 名稱 等級 規制 課程 教育 員額 經費
第十局廠凡屬各處庫所均在內子目凡八 區域 名稱 財產 材料 器物 圖籍 員名

經費

第十一驛站子目凡十三 國界 省界 府界 州縣廳界 村鄉鎮界 台站界 土司界

道里 郵符 車輛 員弁 夫馬 經費

自第九至第十二各子目內尚須分目詳述

自第九至第十二各子目內尙須分目隨時增訂至新舊各軍營及學堂並各項應差馬匹均散見上開各項大綱子目內分目不入馬政一門

一統計處規制 統計爲全部分內一分部體爲獨立用爲交通一切應辦事件取決臣部堂官斟酌左右丞參會商各司各處一應咨移片付均爲直接不由各司轉行免多周折

一統計處權限 統計各大綱子目內事件均附麗各廳司處辦理最易牽混應卽畫清權限凡臣部所管有應准應駁事件由各廳司處辦理其准駁事件辦有成績確有實數可稽得以互相比較者由統計處辦理兩無侵越亦兩無推諉惟統計旣以確知軍界實力漸圖進步爲宗旨則將來辦有成效以後凡軍界內有應興應革事件統計處均有提議權會議權調查權報告權惟不能侵裁決權各該權限內有機要事件仍須慎密不得妄行報告

一統計處各員職任 查臣部官制各廳司分辦各事均有專責今設立統計處卽於各廳司各專員外另設總辦一員其餘均擇得力可靠之員分辦各事均爲統計專員員額多寡以事之繁簡爲斷毋缺毋濫

分則十一條

一調查內外各軍營營制 統計之法必先從各項軍營編制入手方有根據又必從編制內分數入

手再行合計方爲確實尤必從各分數內最近之實在數目入手以行統計方爲有用從前新軍旗營綠營防營練軍及雜項隊伍各項水師尙各判然獨立易於分曉比年以來新立陸軍已成各鎮協標營尙屬整齊別無牽混而其中亦有將防練各軍營改編者改編之外尙存若干尙無確數且初練之始均係常備將來常備之數遞化爲續備後備非及時先爲分晰日後亦難統計至舊有各營京旗步兵有現充巡警而原營底餉未開各駐防旗營或改爲練軍或改爲常備各省綠營或改爲巡警或改爲巡防防營練軍或改爲常備續備而並非常備續備營制或改爲巡防隊名目而非巡防隊營制雜項隊伍或由本省撥入各項軍營或帶往別省附入各軍營各項水師除長江外送部冊籍多未分別名稱但稱水師字樣似屬防營又似綠營積久牽連不詳起訖遂致水陸各軍營名目混淆數目歧異欲尋原委冊報不全且有自光緒二十六年以來並未送冊省分卽已有之冊報最近如光緒三十三年冬季者絕少多半三十三一三十二各年官弁兵勇夫數目此三年並大半年內接續裁改接續添招所在皆是從前冊報已成筌蹄毋庸統計卽此三年大半年後裁改添招有奏牘咨文可考而均係大概情形並無細數統計亦無所施今擬清統計之源先斬截從前葛藤概以三十三年冬季底止現有各軍營爲後來張本應由臣部擬定簡明表式咨行內外各軍營以接到表式後將三十三年冬季底止各該營該管事項按式填註務須各自爲表再由該管

如始終不報分別奏咨辦理此係專爲統計根據先籌辦法其餘各軍營例送總冊分冊花名等冊仍照舊例舊限辦理俟統計辦有成效再由臣部各司處會商改擬表冊式樣俾各司處可以通行免致複雜

一調查內外各軍營餉章 查俸餉等項原歸度支部辦理然食此俸餉等項者官弁也兵勇夫也以官弁兵勇夫之多寡準俸餉等項之多寡故曩時戶部報銷必查明兵部方能核准現時俸餉等項與前較異有由度支部代收代發者有由陸軍部自籌自撥者行之未久界限清釐積年既久必致彼此鈎連勢難分析必須先知各軍營官弁兵勇夫確有若干每年應需俸餉等項額支共若干活支約若干以爲將來兩部預算地步應於調查各軍營營制分表內逐項分列令各軍營分別填註免滋兵少餉多餉絀兵增之弊

一調查內外各軍營器械 查向來軍器約分四大類一現用一存儲一購買一製造現用有餘則存儲備撥現用不足則在存儲項內撥補存儲不足則備價購買購買不易則自行製造總須每兵分用軍器若干各營共用軍器若干庶不致有兵無器致同徒手有器無兵致同廢物此無中外新舊一也現查各旗各省軍器其造冊送部者均與官弁兵勇夫數目冊離而爲二並未聲叙冊內各軍器係某軍營若干兵現用其餘存儲若干缺乏若干應否購買應否製造遂致有有兵無器有器無

兵之弊一旦有事紛紛請購一旦撤遣漫無收繳流弊滋多最難稽核其列表報部者又多總括大數或合軍械各庫所並全省各軍營槍礮爲一表子彈爲一表亦與官弁兵勇夫數目冊離而爲二仍不知現用存儲購買製造各項內或有餘或不足即調官弁兵勇夫數目冊互查而有官弁兵勇夫數目冊已報軍器表冊未報軍器表冊已報官弁兵勇夫數目冊未報頭緒紛繁最難剖晰在從前各司分辦各事自應以某司應辦之件分隸某司今既籌辦統計自宜逐件清釐應於調查各軍營營制餉章分表外另立表式令各軍營將三十三年冬季底止所存各軍械分別填註以憑查核

一 調查內外各衙門該管局廠並各處庫所等項 查局廠及各處庫所爲軍營一切總匯之區關繫最爲重要現今各省局廠並各處庫所等項新舊分歧且有隨咨聲叙未曾造冊送部者營制餉章及器械等類無從分別考查應由臣部咨行內外各該管衙門照咨發表式亦按三十三年冬季所有營制餉章軍械器用款項等類分別填註再由該管衙門彙齊各項分表一同送部以便分項統計此亦係統計專件與從前例送局廠等冊不同其向已造冊送部者此項分表仍須填送向未造冊送部者尤須填送

一 調查各省屬要塞邊防 守要籌邊爲軍事最要自各國交通輪船鐵路關險爲夷化遠爲近情勢遷移遂有要塞變爲坦途坦途反成要塞向日邊防或非我有向時內地已成邊防部內所有要塞

一 調查各省驛站 查驛站處所從前政考各書均甚詳備惟近來裁減增置冊報尙屬不全且有與理藩部交通事件界限均須分析應由臣部咨行各省將國界省界府州縣廳及鄉村鎮界並台站界土司界內驛站所經之處分析造表繪圖俾道里瞭然然後車輛員弁夫馬經費之多寡可以核實籌辦

一 調查各軍營及各局廠並各處庫所等現用馬匹 查馬匹爲行軍重要關鍵故日本專設馬匹充補部以行充補方法我國馬政亦有專司以資整理惟各軍營及各局廠並各處庫所等現用馬匹與馬政內馬匹微有區別應將各舊制所設之官坐馬騎操馬及新制所設之乘馬輓馬馱馬防練各營應改巡防隊內各馬匹於調查營制餉章分表內與船隻車輛分別填註至學堂應用馬匹與各項應差馬匹亦均以類相從不容牽混其餘一切器用一切款項均須填入另表以便稽查其一切器用以歷年購領製造至三十三年冬季底止所實存者爲斷一切款項以三十三年春季開支起至冬季底止者爲斷俾無牽混

一 以上分別調查各件均係現籌統計大宗其餘如學堂一項專屬近今新政尙無複雜事件各省旗所送文冊尙堪統計如須調查再行續辦至十二大綱並子目內應行統計之件極爲繁瑣應由臣等督飭司員將有關統計事項逐漸推行以臻完備

南洋官報
一除此次分別調查各件應由各該管衙門依期送部外凡軍界內事如營制餉章槍礮子彈一切器
用一切款項內有續行增改之處於奏稿咨文照例送部外另摘簡明事由備文一角同送臣部聲
明係有關統計事項由臣部收到後徑付統計處以備稽考俾無遺漏俟此次初辦統計完竣後另
籌季報辦法俾無煩冗

一此次調查各件與從前例送文冊不同凡例送文冊有光緒三十年以後尙報光緒二十年以前事
件因首案遲延遂致層累迂緩不得越次造報其已經造報者或遺漏或浮冒或含混一經查出處
分綦嚴因避處分故罕直揭其弊陳陳相因歷有年所並非盡現任各官承辦不實之咎此次調查
各件應與從前畫清界限從前文冊多爲報銷難盡統計此次表件專備統計無關報銷不得因例
送文冊僅截至某案而止遂致將某案以前事件填入此次表內仍與三十三年冬季內所有實數
懸殊亦不得因此次所送各表查與從前例送不符致牽涉從前處分但期此次調查數目詳明確
實隨造隨送不逾部限如限內實難辦竣必須另案聲明酌展一限不得再展惟無論本限及展限
內所送各表均須按三十三年冬季截止之日將各項實數填註後由臣部派員調查如再有遺漏
浮冒含混情事定將各軍營等專管兼管各員按各軍營造報不實等例分別參處

一調查報告得有統計材料即須畫定統計期限查臣部舊例凡各項冊籍除專案及每月每季應行

計期限屆期將前數月層累所得之統計事件分別彙齊填註表冊於年終咨送憲政編查館核定其十月以後始行到部事件概入次年統計免致前後參差不能畫一

以上各條均係現時辦法如有應行修改及增入各條容臣等隨時酌核分別奏咨辦理

兩江督練公所總參議等會詳督憲文 一爲請增設機關礮隊一營並請籌定經費事一

竊照本年秋季江鄂會操曾奉陸軍部頒發訓令第三條內開江南督練公所應就第九鎮編成左列各隊等因伏查步馬礮工輜軍樂隊等均已成軍有日而機關礮隊電信隊輕氣球隊衛生隊橋梁隊等平時既未創設又未研究現距秋操之期甚迫急遽圖成似難悉臻完備但此項隊伍均於實戰關係綦切誠能藉本年秋操先行組織試用以爲將來實行建設之基則裨益軍隊良非淺鮮大部用意周詳莫名欽佩查輕氣球隊現正在選購衛生隊已飭衛生隊學堂組織橋梁隊已飭工程營編設電信隊分飭馬工兩隊分別擔任惟機關礮隊運用既貴靈敏教練亦需時日非有熟悉此項礮操人員專事訓練不足以資進步查有留德卒業生張一爵現充講武堂監學在德時曾入機關槍隊研究有素當據該生將此項辦法及編制呈送前來職等詳加覆核一切尙屬周詳惟此項隊伍若能即時成立固屬甚善但現當庫款支絀之時正項軍餉尙難籌付驟添此宗鉅餉尤見困難職等公同酌議擬卽就現在新軍中不與秋操各隊酌選官兵暫爲編練成營俟秋操畢後或另行設立或撥歸原營總當視將來之財政以爲準

繩現擬卽就混成協步馬隊中揀選目兵馬匹其將校除管帶官擬卽派張一爵充當外其督隊官以下各員擬卽就第九鎮各標營及混成協挑選至添設軍佐匠夫置購車輛等項每月約共需銀七百兩爲數亦屬無幾核至十月操畢回甯之日止約計在三四千兩之譜此項經費卽歸秋操項下開支惟機關礮位定購於德國者僅八尊六月間方能到甯計每隊四尊編成一營三隊共需十二尊尙少四尊已商准軍諮處哈副使儘甯省現有之機關礮應用以免購備需時至該營旣係借用混成協馬匹人員張一爵又在講武堂供職欲收兼籌並顧之效自應將該營附屬講武堂內訓練較爲妥便如蒙俯允機關礮營管帶一缺卽請札委講武堂張監學一爵暫充以專責成並請札飭糧餉局撥款以便從早創辦（後略）

督帥批 據詳機關礮隊電信隊輕氣球隊衛生隊橋梁隊江南新軍均未設立平時亦未研究實爲軍隊缺點現值秋操期迫財政困難汲汲圖成必難完備應如所擬先飭各營隊學堂分別擔任組織暫時試用以爲將來實行建設之基所有機關礮隊准卽在於不與秋操各隊內揀選編練其管帶一差卽委留德卒業生張一爵暫充另札飭遵一俟秋操畢後再行酌核辦理所需經費候札飭糧餉局迅速核議撥發以便早日編立卽遵照此繳

補錄楓涇鎮職舉陳銓衡等呈請免予撤防以杜後患文並批

彭黃兩隊官及各兵士奮勇抵禦立殲匪目則楓涇圍鎮不堪設想近知悍目余孟亭江北阿四輩先後伏誅各處緝獲敗匪見諸報章者亦復不少惟事後職等查悉此次梟匪自嘉興縣四中區四和庵率衆襲擊楓涇南柵有船一百餘艘匪衆一千餘人死傷雖衆悍黨尙多一旦撤防該黨必圖報復蓄恨愈深爲禍更烈近日風聞撤防考驗之說職等痛定思痛後患堪虞除稟藩府憲外爲敢合詞環求憲帥大人鈞鑒俯念楓涇係江浙扼要之區梟匪易於出沒恩准免予撤防以杜後患實爲公便

督帥批 查前准陸軍部電開本年秋間奏派委員來甯檢校新軍爲期甚迫本應將出防各軍全數調回趕緊籌備惟昨接浙江撫部院電開嘉湖舊軍本不足特新招營隊爲數無多兼之絲市在邇各處方請添兵若將甯軍撤回不獨匪患堪虞人心先自驚擾等語是以尤將杜統帶淮川所統三營暫留嘉興以資鎮懾此外駐防松江太倉南潯各營均飭調回在案茲據稟稱楓涇自正月十九日浙界三十六標前隊官彭維傑力禦大股梟匪復得蘇界三十五標左隊官黃廣源聞報馳援力戰六七小時匪衆敗逃地方安堵第悍黨尙多一旦撤防必圖報復等語自爲思患預防起見查剿匪安民乃係營隊分內之事本不足以言功近來迭據各處探報已無大股梟匪至零星搜捕以及追蹤於港汊出沒之間宜用水師非大隊陸軍所能爲力鹽補飛划等營本爲緝私捕匪而設經瑞藩司力加整頓均已壁壘一新而添募之蘇防新中營尤爲得力茲復編練蘇浙艦隊足敷往來巡緝之用且永陸各路俱

由瑞藩司妥籌布置極爲周密此後次第辦理清鄉梟患可期盡弭無庸該職等之鯁鯁過慮也至甯軍步隊久駐在外無匪可剿而操練曠弛必致有誤檢校殊屬有損無益非特現駐松太南潯之營隊必須撤防卽暫留嘉興之杜淮川所統三營一俟絲市竣事亦當酌量調回以備檢校除咨浙江撫部院蘇州撫部院並行瑞藩司外仰卽知照此批

各省要聞彙誌

江甯 ●近因天氣漸熱而負重之馬每多受傷迭據礮標詳報倒斃情事吳統制以新章每倒一馬只割其耳尾申報存案隨卽飭人掩埋不思變價用意至爲仁厚惟恐情弊因之而生特飭由該管標統管帶等嗣後倒斃馬匹必須親驗其火焰印爲憑不能徒取耳尾爲証以免虛糜而杜弊竇

江蘇 ●分統鹽捕水陸全軍營務處兼帶後營陳玉田參戎近詳瑞總統以該軍積習已深各營勇額雖多而餉項甚短殊不能得其實用現欲整頓必須改訂營制將各營重加淘汰每營酌存十中之七以裁下餉銀加於各兵名下俾可兩得其益聞瑞方伯已如所請昨已通飭各該營目下如有勇額缺出卽行停補聽候核辦

安徽

●皖省鎮協各標綠營前年曾有裁汰之議惟以巡警甫具萌芽恐一撤防貽誤地方是以未果舉行現在各屬警察將次推廣而巡防隊又已編立成營爰擬將各營員弁兵丁一律裁撤騰出薪餉

四員前往辦理偵察測繪修路囤糧各事請貴處速派委員前赴太湖附近隨同照料中丞准電後已移請督辦處派員前往矣

江西 ●贛省陸軍設立工輜專科所有將校一班業經兵備教練兩處詳細考閱現已評定甲乙取錄二十名計挑入工科十名輜科十名各習專門之學所有取錄各員照錄如下 工科將校班 劉傑 蔡森 林迺春 皮心德 韋兆熊 朱洛賓 夏崇新 王淮江 李鴻徵 何燮桂 輜科將校班 張漢騫 何偵 汪英 林家翼 姚邁羣 王慶餘 陳七諤 鄒恩灝 張鳳翼 萬春魁 ●江西教練處以體操一門不獨足以補助訓練亦軍營衛生之要素特將北洋教練處規定體操法一書翻刊多本分發各標營及陸軍小學按照圖式以便演習

各國要聞彙誌

東京電云日本海軍大佐某君近發明自動機器一具可以顯明海底危險東亞郵船會社郵船天涯丸已携帶該器出發預備試驗

俄國議政院欲更改海軍議案冀新造之戰艦將一半撥入波羅的海艦隊一半撥入黑海艦隊文匯西報云聞德皇閱兵之時各國陸軍隨員亦均在座德皇曾云彼等有環伺我等之意但亦聽彼等前來可也我等已爲之預備矣 德國拿丟西阿力齊門報謂德皇之言實爲他人所誤傳德皇不過

向德國陸軍武員而言表明德國之陸軍必能遵守前皇大斐力德烈之宗旨無論何項事情必能舉辦而已德皇之言亦不過關於陸軍事宜毫無干於政界問題將來之禍德國不能閉目不視且各國互相聯合其宗旨何在亦不可知至各國每謂德國常在土耳其波斯阿富汗遠東等處淆亂平利此言殊屬失實

紐約電云美國海軍在其塞關克灣演習礮術以佛洛里達鐵甲艦爲礮靶試驗阿開拉斯戰艦十二寸口徑大礮佛洛里達之鐵甲極易洞穿

度支部奏核議江甯學務用款無著銀兩礙難作正開銷摺

奏爲核議江甯學務用款無著銀兩礙難准其作正開銷恭摺仰祈

聖鑒事內閣抄

出兩江總督端方奏甯屬學務經費短絀甚鉅擬懇動用庫款作正開銷等因一摺光緒三十四年二月十九日奉 硃批該部知道欽此欽遵到部據原奏內稱江南頻年推

廣學務省城所設大中小及實業各學堂由公家籌撥經費者歲有增益兩江師範學堂教員皆聘自日本校生則兼收皖贛歲需經費甚鉅光緒三十三年下學期復添招新班三百人仍於原定經費內撙節動支此外如高等省學堂府中學堂元甯兩縣小學堂模範小學四十區初等小學思益小學江甯初級師範學堂實業學堂蠶桑學堂農業試驗場方言學堂江甯駐防中小學堂暨南學堂粹敏第一女學幼稚園陸師水師測繪講武警察各學堂陸軍小學堂以及私立學堂之由官補助者商業學校之雖有商款仍由官津貼者每歲領款多者四五萬金少者亦需一二千金加以派往東西洋留學之費編譯書報設局之費提學司所設公所員紳薪水之費認籌學部翰林院及京師各學堂之費在在皆需鉅款統計江南學務用項每歲額支約在一百六七萬上下其中由藩司衙門

籌撥約五十餘萬運司糧鹽關道及各局所籌提雜款亦約五十萬兩上下皆按時支放絲毫不容短少現在開辦法政學堂女子師範學堂亦皆無的款可指司庫常年所放學務用款除動支減成餉平截留新政出洋經費地丁扛脚等項共銀十七萬八千三百餘兩均詳咨有案此外需銀三十九萬九千三百餘兩從前專恃銅元餘利開支自銅元限鑄餘利無多是以三十三年分學堂用款由司局各庫騰挪應付但庫儲多係報部正項若日久無款可還年復一年必致積成鉅欠所有藩庫籌解學務用款指撥銅元餘利現歸無著銀三十九萬九千三百餘兩懇 恩准於藩庫作正開銷俾濟急需等語臣等

伏查學堂經費爲培植人才要需誠不容稍有靳惜顧國家財力有限而應辦各項要政又復不止一端勢不能不力求撙節以免顧此失彼考東西各國教育行政學堂雖多惟有官立學堂由公家籌款經理此外公立學堂如果成效昭著間有因經費不濟由官資助者其私立學堂悉由民間籌款自辦官不給費此各國之通例也若不問官公私立一切仰給於官無論賦稅所入歲有常經其勢斷難徧給卽暫時勉強應付亦豈可恃以爲常此府庫充盈之時猶且不可矧當財政困難之際更將何從取辦今據兩江總督端方

餘利現歸無著銀三十九萬九千三百餘兩懇准作正開銷等語核其所辦各學堂除兩江師範學堂高等省學堂府縣中小學堂初等小學思益小學江甯駐防中小學堂方言暨南陸師水師陸軍小學等十二項學堂奏咨有案外其餘模範小學江甯初級師範學堂蠶桑學堂農業試驗場粹敏第一女學幼稚園測繪講武警察各學堂並商業學校之由官津貼者均未經奏咨立案內中某項爲官立某項爲公立私立既未區分明晰某項官立年需經費若干某項公立年需補助費若干又無實在數目均屬無從查核至此外民立學堂之由官補助尤屬無此辦法且所報江甯學務用款除由該省自籌外無著銀二十九萬九千三百餘兩請准作正開銷若各省紛紛援請部中將何以應付實屬礙難照准相應請 旨飭下兩江總督將該省藩庫籌解學務用款無著銀兩自行設法籌補勿得動用正款以重帑項所有核議緣由理合恭摺具陳伏乞 皇太后 皇

上聖鑒謹 奏光緒三十四年四月二十五日奉 旨依議欽此

江督端奏撥補鹽貨釐金無著請飭部改撥摺

奏爲江蘇省撥補鹽貨釐金仍多無著援案請

旨飭部改撥並請飭催各省歷年欠款以濟要需恭

摺仰祈

聖鑒事竊查江蘇省鹽貨釐金自光緒二十四年抵還英德借款歷奉戶部按年撥補各省

均未照解截至三十一年綜計已短解五百二十八萬餘兩經前署督臣周馥奏請改撥奴才到任後目睹江南財政困難無可騰挪節次電商部臣請援照湖北省撥補成案先撥本省有著各款以資彌補接准部咨以釐金抵還借款江南派認獨鉅非他省所可比擬指撥各省既已拖欠頻年積成鉅債不若就該省自有之款酌量撥給所有常短解銀八十五萬兩准於節省項下挪補銀二十八萬二千餘兩宜昌鹽釐新增食岸溢銷加價銀六萬兩節省一半解部銀九萬兩武衛左軍餘餉銀十萬兩銅圓局借籌防局每年應還銀五萬兩皖南茶釐除解長江水師營餉十一萬兩支應局十萬兩外撥補銀十萬兩米釐除報部撥補銀七萬六千兩又該局應解撥補釐金款內欠解蘇省淮鹽加價銀五萬二千兩丁漕平餘銀四萬兩共銀八十五萬兩作為常年撥補釐金不敷之用於光緒三十二年十一月十一日具奏奉

旨依議欽此又准部咨三十三年循案撥補釐金一案於三十三年二月初四日具奏奉

旨依議

欽此先後恭錄鈔單咨行欽遵辦理當即分行司道各局遵照去後茲據江南財政局司道詳稱甯省撥補釐金無著各款截至三十一年已積欠五百二十八萬餘兩之多此次奉部改撥如果實有著落自可稍濟急需乃綜計改撥各款三十二年分除節省挪補約銀十三萬兩宜昌鹽釐新增食岸溢銷加價約銀五萬六千兩解部節省銀七萬九千兩銅圓局應還借款銀五萬兩共銀三十一萬五千兩外其餘武

改新章停減續又短收銀十八萬九千餘兩又奉撥四川廣東河南安徽等款或從未報解或認解不敷綜計本省無著各款銀七十一萬餘兩又廣西梧州關稅銀八萬兩該關舊欠銀二十九萬五千餘兩亦應由部咨行嚴催能否作數尙難豫計如再遷延不解則無著之項幾有八十萬兩之鉅近來庫儲告匱業已墊無可墊挪無可挪若部咨撥補各款再成畫餅勢必貽誤要需致妨大局詳請具奏改撥前來奴才復查江南撥補釐金一案各省積欠甚多業經部臣奏准改撥並聲明江南認數獨鉅非他省所可比擬是各省釐金同一撥抵而江南獨形竭蹶已在

聖明洞鑒之中部臣曲諒苦衷准予改撥兼權並顧當亦深費躊躇但使稍可補苴何敢再三瀆請無如改撥各項或昔多而今寡或名有而實無綜計有著之資不足十分之一當此鉅災之後杼柚久空而添練新軍籌還洋債增設學堂資送游學推廣實業創辦自治諸要政無不立需鉅款奴才三十年署任時司局所存各款尙有三百餘萬三十二年九月到任司局存款全已用罄東挪西扯勉支年餘凡有可以挪墊之款無不羅掘一空司局算至本年五月卽已不名一錢而新軍第九鎮刻待點驗應行添補器械軍裝馬匹建造兵房需款四十餘萬豫備秋操需款二十餘萬均無的款可指至於常年應用之款毫無著落者尙不在內奴才與司道各局員通盤計算常年用款以入抵出事事掙節每年實短二百餘萬推其致此之由實緣銅圓餘利頓少八九十萬江北練軍撥濟七八十萬均係江南所恃以爲生活者今則蠲除淨盡而應行籌辦之新政復月異而歲不同求

無坐困不可得也查從前戶部奏定撥補湖北宜昌鹽釐七十五萬兩案內凡江漢宜昌兩關洋稅湖北釐金田房稅契土藥加稅等款均准截留今江南所認之數既較他省爲獨多而他省撥補案內尙准動用釐金關稅江南似應援案辦理合無仰懇 天恩俯念江南地方緊要認抵洋款之數又非他省可比准將改撥無著各款三十二年分共銀五十三萬五千兩三十三年分共銀七十一萬餘兩於江海鎮江等關及本省釐金土稅等款內如數截留以濟急需其梧州關稅八萬兩應由部咨行嚴催如不照解仍請一併改撥至從前指撥之四川山西雲南湖北廣東安徽河南等省欠解銀兩並請 飭下各該督撫臣嚴飭司道局如數速籌撥解毋再延欠庶望積困少甦除將改撥有著無著各款分年開單咨部查核外謹會同江蘇巡撫臣陳啓泰摺具陳伏乞 皇太后 皇上聖鑒謹 奏光緒三十四年五月十一日奉 硃批度支部議奏欽此

各省要聞彙誌

江甯 ●甯屬長江淮河改辦統捐以來嚴訂賞罰釐剔弊端收數日增大著成效迭奉督憲諭催將港

口內河一律迅卽歸統以蘇商困而裕餉需祇以港汊紛歧無從扼要且米糧隨處皆有隨地可銷迄未定議茲經金陵釐捐督辦陳觀察惟彥督同委員籌議參以調查情形除去米糧不計外其餘百貨一律歸統定於七月初一日起辦業已擬具章程稟請午帥核示

實有東洋仿鑄之銅元銅胚私運進口又有手搖機器用銅胚敲印成元甚易奸民私鑄皆用此器遂致僞幣滋多圖法大壞又聞山東浙江各州縣有將銅元減折行使者奸商貪利販運紛來故蘇省益蒙其弊公懇設法挽救等情因即會同電飭本省海關暨電稅務處通飭各海關嚴行查禁外洋仿鑄之銅元銅胚不准進口拿獲即全數入官銷燬並電請鄰省各督撫嚴飭各海關及有海口之各州縣一律查禁外洋仿鑄之銅元銅胚私運入口

安徽 ●支應局日前將皖省善後防軍用款第三十一案報銷案詳送皖撫略謂新收鹽課釐金鹽釐餉捐落地米捐等項銀六十九萬二千八百五十六兩零度支陸軍農工商民政四部共報銷銀四十二萬八千八百九十兩零下餘實存銀二十六萬三千九百六十五兩零留爲湊下屆報銷之用●粵商在燕運米向用民船裝載凡遇關卡均須完納稅釐沿途不免稽延時日曾經商人稟請改用甯波釣船裝運仿照輪船運米章程報完正稅一次沿途概免重征當由皖撫批飭蕪湖道核議茲悉文觀察以改用釣船於稅釐民船均有妨礙未便照准業已詳請撫院俟咨部立案矣

江西 ●江西本爲淮鹽引地惟建昌一府與閩緊鄰久食閩私督鹽憲端午帥以引地不清課稅有損因擬運北鹽往售減價敵私以漸收回利權現電飭督銷局王觀察先事籌備觀察奉電後已飭人檢取地圖攷查一切以便見諸實行●南昌縣所屬謝埠地方爲繁盛市鎮且上遊往來船隻必由之路

人煙尤爲稠密惟無鹽棧地方頗稱不便現西岸督銷總辦王觀察擬在該處設立鹽棧派委員司專司其事以便商民而擴鹽務業已稟請督憲核示

各國要聞彙誌

上海太晤士報載倫敦路透電云英議院第二次宣布養老金案時財政大臣勞德卓爾基多方辯論改變多處雖其常年經費不足六百萬磅然久之終需七百五十萬磅

字林報云墨西哥礦主阿爾哇拉都會以二百萬元捐助墨西哥貧民此人於二十年前乃一不識字之小工每日祇獲工資三先令目下其所有之礦甚爲發達每禮拜可獲進項二萬磅一年前曾以英金二百萬磅相助軍費以征印地安人代墨西哥代付之國債約兩倍於此數其捐棄之款亦兩倍於此數其妻故後所立之碑係以大理石裝飾以純銀兩頓鑄成者

郵傳部奏擴充電政擬歸官辦以恤商艱摺

奏爲籌畫擴充電政費增利減商力不支擬歸官辦而恤商艱恭摺具陳仰祈 聖鑒
事查電報爲交通全國機關係屬於商民者事小關係於國家者事大故各國電報之權
皆爲國家所獨有中國電報開辦初基原歸商辦而光緒初年商股微薄仍賴各省官力
出資補助亦非完全商業性質歷屆獲利約計五六百萬果使全國交通藉以推行無阻
則富商即以富國商家多得贏餘即國家增長勢力亦何必另議更張迺揆覽圖籍現在
商綫所至皆屬市鎮都會之區而邊遠省分如雲貴廣西甘肅新疆最關緊要之處則均
推歸官辦雖商力實有未逮而顧一己之私利忘國家之遠圖按之 朝廷設立郵傳部
之初心實有未合思維再四窒礙滋多揆諸東西各國之通例衡以中國現在之情形自
非改爲官辦設法改良無以定區畫之方即末由收擴充之效請爲我

皇太后

皇上縷晰陳之查東西各國線路縱橫如脈如織邊隅內地策應靈通故伏莽滋生旋
即撲滅中國電報勿論要荒即腹地稍僻者亦多未設立一旦有事道途修阻文報方到
賊已遠颺實於軍務機關大有阻礙况當此百度維新之際外交內政關係匪輕稍滯交

通輒滋流弊近來科布多川藏蒙古閩浙江西蘇松各屬紛紛奏咨請設電線本年四月
欽奉 諭旨飭部迅速設立貴陽至興義電線又准陸軍部咨稱秋間江鄂各軍在安

徽會操請設安慶至太湖電線又准外務部咨催建設川藏通印電綫又准湖廣總督咨
稱湖北官電各局賠累不堪請改歸本部籌辦紛來咨至均爲不可稍緩之圖核計各省
請設各線不下萬有餘里約計工程當在一百餘萬以上且此萬餘里中設局不下百數
十處半皆荒村僻壤報務不多常年經費各局員報生巡丁薪水工食以及修理等費更
屬不貲此項電報增一線即賠一線之本修一里即虧一里之費前此添設雲貴一二邊
省電線各股商尙慮吃虧今此統籌荒瘠之區更難著手若利則歸己損則歸公恐亦無
此情理此展線宜歸官辦者一也又查各省綫路近以商欸支絀應修未修者居其多數
大半腐敗不堪而以陝豫閩三省爲尤甚遇有風雨動輒不通假有軍務倉卒不堪設想
近來外務部陸軍部要電往往延擱職此之由亟應大加修理以臻完善現在派員調查
各線路情形通盤籌畫有應移近鐵路者有文報日多應行添線者百廢俱舉工程浩繁
經已飭員密查勘估其大修移設之費約在五六十萬以上此項巨費即盡括商股餘利

快信之費略同故人人視爲利便中國報價凡遠省一二字之費幾與各國二十字相等且譯報有費密碼有費加校對有費加點句有費於四等商電則延擱錯誤致商人多用加二倍之費改發三等似此層層重剝節節爲難實於電政迭生阻力近據甯夏副都統志銳奏請核減報費以利交通又據臣部派赴葡京會員周萬鵬電稱葡京公會亦以中國報費太昂爲詞自當酌量核減以期發達而廣招徠去年經臣部批令電政局籌擬核減嗣因商本微薄動多牽掣故略爲慎重稍緩實行之期近復派員調查統籌全局一時雖難驟減多數必當分別酌減以鑒人心嗣後報費遞增即報價遞減但期杆綫羅布中國開交通絕大之機關而志不在謀利必使價目與各國略同即爲入萬國電政會之預備斷不能沾沾目前不顧後日之進步也惟是核計電報歲入約銀元三百餘萬元若酌減一二成即在五六十萬以上如遞減至四五成或減至與東西洋相等則爲數尤多此事一行則商股年息恐不可保餘利更不待言此減費之宜歸官辦者一也以上三事實爲電政今日最要之圖即爲商股今日最損之策若蹈常習故不加整頓固有所不能若一意孤行不顧商本又有所不忍與其苟且因循日積月累官商兩病曷若揆情度理平

價收贖期上下之交益臣部實見夫今日電報有必須擴充之勢即有不免折閱之時在商人祇論贏餘在國家必求利便事實不同斷難強合所謂離之則兩美合之則兩傷也臣部議收電股實於國勢商情統籌兼顧無所用其苛刻更何計乎便宜况此後電政日益推廣今日報費之所入即爲明日桿纜之所出肇端之始需用實繁此十數年間斷無厚息嗣後電局歷年報告商家取閱必知臣部立意之無他近年日本商辦鐵路亦經改歸官辦彼國臣庶均無異詞則今日收贖電報想該商等必能深明大義願表同情也臣等公同商酌博采輿論訪之公正股商均以歸官收贖爲宜擬卽備價收贖持平辦理按照市面票價酌中給值於每股股本外特予加價以示國家恤商之意其有逾限未交者准其隨時呈報領欸惟不得占此優待以後利息微薄不得退有後言以示限制俟商議妥定後即將收贖情形另行奏明辦理一面籌畫次第辦法以仰副朝廷振興電政之至意至此次收贖之欸擬由臣部籌措款項支抵另行設法歸還以清欸目合併聲明所有擴充電政商力不支擬歸官辦而恤商艱緣由謹恭摺具陳伏乞

皇太后 皇

上聖鑒訓示謹

奏光緒三十四年五月十九日具奏本日奉

旨知道了欽此

局員往往瞻徇情面以致官場來往尋常酬應之電私列二等甚至與鄰局交談視同兒戲而商報轉因而遲滯 朝廷整頓電政重視商務此項情弊擾害維新政策言之實堪痛恨本年三月二十三日甯夏副都統志 奏請嚴禁電局代報并明定章程一片業經奉 旨允准欽遵有案又如汕局局員伍湛忠擅發私電一經稟揭隨即撤差不稍寬貸惟積習相沿已久此外各局似此弊端仍恐不少亟應訂立限制二等公報章程札發札到該局仰即通飭各局一體凜遵從前積弊歷有年所姑免深究自此次明訂章程後如再有擅發情弊一經該局發覺即行照章嚴懲毋得瞻徇若經本部派出密查委員查出該局亦不能辭咎也此札

審定限制二等公報章程

- 一 無論華洋文公報由各局總管或領班看過僉字方准照發如未經簽字者值報生不得擅行遞發
- 二 各轉報局總管領班應將所轉之華洋公報詳加察核該報是否因公而發如爲私事着即扣留
- 三 如公報中夾有私語者責成總管領班先將私語截出其關係公事仍可照發以免貽誤
- 四 各轉報局總理領班每於月底將所轉之公報及截留之私報分別造具清冊郵寄電政局飭稽核處核辦以示區別

五 稽核處應將各局所寄扣留之報按字算費歸原發報局之委員暨徇隱之總管領班分別賠償其疏

忽各局之總管領班各記過一次以儆效尤

六各轉報局遇有公報中夾有私語者甲局並未查出嗣爲乙局查明扣留則乙局委員總管領班准其舉發酌量記功其原發報局以及中途轉遞各局仍須逐一究罰

七遇有中夾私語之報總管領班已經簽字被各報生留心查出舉發應將該報生量予記功以示獎勵其簽字之總管領班分別科罰

八密碼公報難以繙譯無從查核其中大概全係私語嗣後除電政局外一概不准擅用密碼

九電政局雖准用密碼而員司較多難免擅發之弊以後除發寄本部及密派查辦之件與夫辦公應發要電及有應行電達本部堂憲各報外亦不得輕用密碼

十公報雖嚴定限制尙有借電機以交談其耽誤商報較諸擅發公報無異着責成總管領班除發官商公報並測量查察線路情形外不得任意傳電以免官商要報積壓

十一此項章程自三十四年四月十七日起一律實行

十二電政局均須隨時嚴密稽查而檢查員實有專責亟應切實辦理毋稍瞻徇

各省要聞彙誌

江甯

●督憲准郵傳部電請迅飭官電局總辦將最近年分收支正雜各款及線路局數若干立限按

今歲已屆畢業日前大考後曾由溫君秉仁率領各礦生赴大冶萍鄉等處細勘煤鐵各礦今又由曹君昌祜率領工科電生赴滬參觀電機藉資實驗

江蘇 ●蘇撫憲陳伯帥前准郵傳部咨請保護電桿電線等情日前又接該部頒發刑律嗣後如有拿獲拆毀電桿電線私竊售賣之犯罪應杖八十徒一年如係無心誤毀者應杖八十桿線估價追賠本處地保亦有保護之責境內如有此等情事自應責懲斥革其收買窩藏之家應照收藏偷竊官物之例從嚴治罪咨請飭屬示諭等因已由伯帥轉飭各地方官一體遵辦

安徽 ●廣德州稟復察勘牛頭山東衝一帶煤礦山界奉馮中丞批示牛頭山煤礦昨據翟道會勘繪圖稟復核與該牧所稟情形尙屬相符惟需款過鉅應候南洋大臣籌畫飭遵已詳批翟道稟中矣該牧爲親民之官山主金朝冠招夥開挖卽今牛頭山東衝一帶經前文牧將該山充作祠山廟公業茲據翟道稟陳其妻聶氏哀訴乞恩賞還原地是金朝冠開挖之時地保步梯雲等因何稟請封禁前文牧何以將金朝冠管押此山充作公產其中必有原委現在此山應否賞還聶氏執業管業抑俟礦開辦之時由公家酌給地價該牧曾無一字道及殊屬疎忽卽明白稟復以憑核辦

江西 ●贛撫沈中丞對於贛省路事極力提倡除通飭各屬派認路股外現復勸令本署各項人等認購路股聞現已共認二千數百股矣●江西省垣鐘鼓樓開辦電燈公司由滬上某洋行聘定日工程

師現該工師及各項機器均已運送至省惟廠屋尙未興工建造故一時尙難開辦

各國要聞彙誌

大阪朝日新聞云巴黎舉行萬國鑛工大會時有議員哥尼烏氏登壇演說彼於主張義務的國際調停之決議案極力贊成並謂余甚望中俄日三國鑛工亦列入勞動同盟會中若全體鑛工而能協力同心則遇事以調停代戰爭亦非難事該決議案遂爲公衆所可決

倫敦電云葡京萬國電報大會決議維持現有之電碼章程並立管理部凡各種電碼均須送入部中核准始可通用惟部中鑒定之碼用否則聽人便

文匯報載倫敦路透電云英國總郵政司栢司頓君在下議院宣言已接到美國總郵政官米也來電允於西十月十號將英美所定辦士郵票切實施行

上海太晤士報云俄國創造黑龍江鐵路其過黑龍江之大橋須資本五百萬羅卜足爲世界最大最長之鐵路橋

西歷一千九百零六年三月十六號

又譯俄政府通告情形文

查一九零六年四月二日日本政府曾將第二次保和會應議問題通告各國業蒙允准與會在案茲因各國尚有注意之件各向本政府聲明特於第二次海牙公會開會之前再將目下情形通告與會各國開列如下

一 美政府聲稱有二問題並須提議 甲減少或限止軍實 乙追索平常債負不得任意妄用兵力

二 西班牙政府聲稱限止軍實問題極願與聞其議并有權在此次海牙公會提議

三 英政府聲稱英國極願提議裁節軍費問題并有權條陳所見凡俄政府提議之款在英國視之或不能收實效者亦有權提明不議

四 日本政府聲稱倘有他項問題爲俄通文所未載而實際確有效益者不妨一并提議或一切議論在日政府視之勢必不能實行則有權提明不議

五 玻利非亞丹馬希臘和蘭各政府聲稱遇有他項問題與俄通文內所列各款大旨相同者各政府亦有權陳議

各國意見如上所述本政府之意除將一九零六年四月二日宣告之通文仍爲第二次保和會開議張

本外亦應切實聲明凡遇商議之件於事並無實效者本政府有權提明不議 本政府之宗旨德奧二國所見相同該二國於一切不能實行之問題亦概不願提議除咨商和蘭政府預訂與會各國以本年六月初旬爲期齊集海牙舉行開會外特將以上聲明各節備文通知本政府深冀會議之餘共收美足之結果從此世界文明各國和局鞏固親睦有加無任欣盼

一九零七年四月三日

購地總類

一 津浦路線南北起訖約長二千一百餘里應用地畝甚多宜先酌定官價方可從事購買但地不一律名目尤繁卽就北段在直隸境內者言之內有各項圈地旗地寄莊租地官河淤地官道以及學田廟產官荒民荒等地難以逐一備載總之既歸民種卽與民產相埒應按向例分別上中下等則照此次稟定官價辦理

一 購地委員到境卽知會該管地方官帶同戶工兩房書辦縣差并保正等傳集業戶按照工程司勘定路線原圖眼同丈量確用畝數酌定等差先書草簿當場由司事登記委員核對限三日內業戶赴局呈驗契據糧串分別立契過割書明畝數價值歸津浦鐵路名下執業然後發給聯票赴發價處照領

一 地價既經稟定等差倘仍有爭論不平等事卽令該業戶呈驗印契如果別無情弊應援照京張鐵路章程按照印契原價從優加二成發給惟須以光緒三十二年十二月以前爲斷光緒三十三年正月以後之契價概不作準以杜預填虛價影射等弊

一 紳宦之產爲鄉人觀聽所繫必應先行遵章辦理以爲表率此外自不至有阻礙之處

其有商請加價或繞避者均須破除情面曉以大義不得徇私率請致礙大局兼延時日

一如有地畝以次作上墳塚以少報多青苗等給價不實不盡屋價遷費串同抬高及局中司事家丁書吏地保雜役人等或有抑勒折扣索詐騷擾并向標外不應購用之地畝房屋墳墓欺騙索賄藉端生事等弊除嚴諭禁止外仍由購地委員及地方官隨時認真查察如果得實司事驅逐丁役革辦不得稍有徇縱其書吏差役等飯食由局酌給不准在外需索分文

一丈量購地應分段辦理沿途賃民房一所爲員司人等辦公之用逐縣隨時移設總以丈量地畝之處相近爲宜免致往返稽延如遇無民房可租之處所或假寺院或就公所以便憩息辦公

一購地委員初到縣境時先將憲發告示張貼一面再會同地方官出示剴切曉諭酌定日期督同司事工書地保齊集地所眼同地主詳細清丈如地主委係遠出許其親族代表邀同地鄰到場眼同丈量委員必須親臨照料以免滋事

浦鐵路永遠承佃納租發給該管莊執照爲憑嗣後該莊頭卽不得仍向原佃戶索租違則以重徵論

一 圈地既歸鐵路永佃應照毗連之民地作價每畝價銀仿照京張鐵路以一六成扣歸路局作爲年租其餘均歸原佃佃價該原佃戶須與該管莊頭眼同具領出具領狀存局備查

一 各項旗地均有印單爲憑亦有莊頭經管永佃與民者按照王公府圈地辦理如係該旗人之私產有願意賣與鐵路者亦可照民地辦法核給價值歸莊頭或該旗業主承領作爲絕賣嗣後不得再行徵租

一 民產業戶賣與鐵路田地必須隨帶杜絕老契或新契呈繳候驗如新置之產尙未稅契或係祖業所分已無紅契或經兵燹水火契據已失卽將糧串等呈驗仍應責成地保鄰右加具保結聲明委無契據轉押轉典情事如僅有糧串及水坑拋荒尙未升科納糧因而無串者卽以領狀爲憑須於領狀上聲明緣由并聲叙以前並無舊契舊串轉賣情事仍由地保地鄰加具切結備查

一如業戶地畝較多向係總契總串本路不盡購用不能將未購之契串一一收回者須將業戶原地契上批明鐵路裁買若干并將領狀上一併註明該業戶原契仍行發還并加蓋委員經手戳記

一契據糧串名目各別亟應察查有附別戶完糧有水坑荒地本無糧串有衆墳公路各戶分納錢糧有兩戶合爲一串以上均須取具切實領狀聲明緣由地保加結義塚地價由善堂首董具領契據并繳

一發給地價概用三聯憑票騎縫蓋用購地總局關防凡有購定地畝將業戶姓名價值數目於中左右三單一律填明加蓋本段圖記一給業戶暫行收執以便憑票領價一報總局備查一交發款銀號對號發銀

一各業戶不將契據呈驗者或因匿稅恐干重咎或因契價低於領價須由購地委員會縣曉諭以前匿稅者此時概不追究並不論契價高低總以官價爲準

一民間田地雖歸業戶然有永佃分收者有按年活租者有原佃而又轉佃者名目甚多或業戶領地價佃戶領青苗補費又或業戶佃戶分領青苗補費均須業戶佃戶於領

本報拾日出一册每册小洋兩角五分

局設南京省城二道高井

光緒三十四年六月初十日 西曆一千九百八年七月八號 禮拜三